

四庫全書

集部

欽定四庫全書

草閣詩集卷五

元 李昱 撰

七言律詩

寄虞伯生學士

金殿承恩謁翠華
玉堂染翰草黃麻
夔龍禮樂於今盛
班馬文章未獨誇
舊買石田依破屋
新栽澗竹遶晴沙
曲江花樹應無數
草似青門五色瓜

寄蒼巖太守

問訊湘江賢太守別來為況近何如梅花月底裁唐律
柿葉霜前草晉書客至但令尊有酒官清誰問食無魚
漢庭相業須黃霸早晚綸音下玉除

寄題高進賢道水竹居

白波高擬石關齊翠竹斜連草屋低六月清風鯉魚起
一春好雨鷓鴣啼有時門外無來轍此老林中獨杖藜
我有滿懷淇澳興幾時親到與君題

寄楊從事

屋近青山雲滿坳樹翻紅葉鳥爭巢不貪杖屨頻開徑
正想旌麾出遠郊濁酒賒來同友吃新詩改罷喚兒抄
緣知日暮空吟望自向亭中作解嘲

途中寄權伯文知府

陳情書去無消息老病扶藜強擬行黃菊西風憐我瘦
丹楓落日為誰明潁川太守名偏重少室山人價甚輕
昨夜挑燈孤館後一蓑烟雨夢歸耕

寄呂浩川池文仲兼東田德遠

桃花溪上行
孟處想見烟霞繞舊蹤
一醉便成經歲別
百年能得幾回逢
新霜老樹青紅間
落日寒山紫翠重
好約城西田掾吏
杖藜相過興從容

贈五峯李先生

鴈蕩峯南結屋牢
先生高枕聽松濤
麒麟一出空祥瑞
鳳鳥孤飛惜羽毛
漢代文章遷史盛
晉時人物謝安高
懶將白髮供朝綬
縱有銀魚換酒醪

贈杜清碧

先生九曲溪邊住錦里風光太逼真當代如求董狐筆
名家正要杜陵人玉堂金馬頻催詔朱紱銀魚懶挂身
聞道少微明永夜已知江上有垂綸

贈朱原達

戊戌後作

江海相違二十年今晨相見一欣然已同葛亮吟梁父
况有侯芭識太玄深谷鳥啼雲似水遠林花落雨如烟
酒酣不省他鄉客尚憶西湖小畫船

贈曹伯強

衣裁白苧著皂帽羨子遠道來翩翩新豐馬周自逆旅
長沙賈生猶少年夜深談詩月在地春濃載酒花連天
如此才華易相別莫怪臨風情黯然

贈醫者王玉泉

玉帝山前圖畫如杖藜歸來春雨餘延年豈無赤松術
濟世況有神農書丹砂夜煨光射室藥苗曉移香染鉏
青雲故人滿江海莫怪門多駟馬車

送郭伯如之臨川令郭舊樂安簿

臨川縣與樂安近正憶弦歌兩度聞
白髮今為新令尹
紫髯元是舊參軍
孟傾野館花如錦
船入春江水似雲
到日定知民訟簡
每延多士細論文

送杜少府之官華亭

少府青袍初入吳
官舍春餘一事無
彈琴每招華亭鶴
舉網或取松江鱸
苔衣生綠上弓劍
花片落紅霑酒壺
風流却憶孟東野
漂上賦詩兼射鳧

送琴僧印秋海歸東林

韓子文章最有聲
穎師琴調得傳名
十年具美知誰繼
此地長吟送爾行
鉄鳳飛樓開佛日
玉虹吹瀑下江城
幾時五老峯前路
拄杖相過聽短賡

送李秀才北上

五雲深處拱三台
閭闔煌煌曉正開
羲畫欲成龍馬出
舜韶初奏鳳凰來
行囊豈為觀光計
獻策當施補袞才
十月江南春色裏
把盃遙待錦衣回

送永嘉葛令歸燕

人人盡說丹砂令三載容成德化寬但識絃歌能變俗
豈因松菊使辭官扁舟落日孤城遠二月黃河春水寒
從此去天纔尺五故鄉風物是長安

送毛仲賢歸越

憶昔乘船往會稽湖山青壓樓低路從賀老門前過
詩向越王臺上題鷗鷺近人明似雪魚鰕入肆賤如泥
經年不到還惆悵送子東行立水西

送曹逢吉

清晨送客過橋東一路行人在畫中
紗帽微霑梅子雨
葛衣輕受藕花風
五雲山色應非遠
七步家聲要與同
何日重來說詩法
月明天碧水樓空

送楊文開潯學秩滿歸省

南潯地小不成州
博士官尊易入流
楊震舊遺清白在
侯芭曾授太玄不
三年講席聽風雨
八月征帆拂斗牛
歸與紫髯稱母壽
玉堂誰早嗣箕裘

送朱煉師回仙居

峽山仙人之所居山峯秀出金芙蓉千尋巖上棲玄鶴
五色雲中騎碧驢麻姑送酒應到汝木客賦詩能起予
每聞花乳石林好相寄休忘錦字書

送楊秀才遊粵

江空十月見晴沙遊子扁舟似泛槎紅葉一林偏對客
白雲千里倍思家柳姑廟側魚爭賣賀老門前酒可賒
若見草堂王處士煩將素練寫梅花

送馬彥良赴閩

錦帆江上挂東風海國潮生百浦通離浙此時楊柳碧
到閩無數荔枝紅功名暫屈鹽車驥家世終懷栢府駟
何處相思一尊酒三千里外月明中

送穆德敬歸覲

九月連雨秋水生賀家湖上送君行青山對岸似人好
白鷺下田如葉輕終軍棄繻亦年少賈誼獻策多成名
彩衣歸拜二親後幾日重來懷為傾

送戚縣尉之會稽

越鄉船樣小如梭，婦女牽船唱越歌。
秦望山宜蓬底看，賀家湖向鏡中過。
青袍作尉登臨徧，彩筆題詩感慨多。
況是右軍遺跡在，未須射鴨且籠鵝。

送陳教授之天台

天台山色引歸袍，行李休辭道路勞。
霞彩正於文廟近，瓊臺爭似冷官高。
諸生問字携紅酒，座客分題詠碧桃。
我亦當年慣遊者，隔江東望水滔滔。

送王文玉歸台

八年東郡無詩句十日西風罷酒尊
俗客若來空滿眼
可人相別易銷魂
霞光照樹丹丘近
蜃氣成樓碧海昏
想見還鄉有餘樂
幾時書札到衡門

送葉主簿之巴陵

行人遠道問巴陵
幾日扁舟過洞庭
白鳥入雲天不斷
紫魚吹沫浪還腥
長才作簿諸公惜
多暇談經小吏聽
回首玉堂春色近
好憑文力播芳馨

送池文仲賜歸侍養

一千里外同徵辟
五百名中獨賜歸
為客已看高士傳
到家應舞老萊衣
雨邊春筍供盤脆
水底寒魚入饌肥
餘暇賦詩銷白日
便風相寄莫相違

送劉宗弼赴浙江按察司僉事

故人喜有劉司業
才大今為耳目官
行路月明驄馬瘦
到臺霜落繡衣寒
十行已受天書寵
三尺須求法意寬
老病彈冠久無夢
但看鵬翼快飛搏

送柯子素往天台省親

最愛丹丘柯道士倚門清夜夢連環致身玉洞虛無裏
極目瓊臺縹緲間一鶴書來丹篆古雙龍劍舞鐵花班
也應分得麻姑酒往駐西池阿母顏

留別崇春巖上人

扁舟欲問西林寺湖水紆迴到每遲吏部尚為文暢序
拾遺能廢贊公詩山中借榻塵機息月底行盃樹影移
明日風烟各分首江湖夜雨夢相思

留別南城諸公

相逢常為興匆匆擬賦新詩句未工歲月一身渾是客
江湖兩鬢欲成翁消愁春蠟浮盃綠送喜秋花上燭紅
明日溪南又分袂馬頭黃葉亂西風

留別彭士雲管勾

驅馳逆旅似浮萍寥落斯文若曉星遠道已為千里別
好詩能復幾回聽水連徽港滔滔白山過宣城歷歷青
天上五雲春暖願隨染翰侍彤庭

答禹龍門見柬

高僧元住金山寺飛錫吳鄉未擬回天女散花臺上落
神龍避雨鉢中來久知無本能詩句自笑淵明嗜酒盃
別後重逢須記取藤床對雨撥寒灰

和李五峯著作題竹隱軒詩

隱君只在溪南住手種琅玕幾十年玉版每同賓友喫
錦棚真比子孫賢取簫吹月天如海近檻眠秋屋似船
更愛滿林涼露下研朱時點馬蹄篇

次陳世恭見寄韻

忽見新詩雙眼明
暮雲回首復愁生
杖藜不去千山隔
躍馬能來半日程
江上尊鱸空感興
山中雞黍已渝盟
友生終不如兄弟
想見開尊對紫荆

呂思純見訪有詩用答其意

梅雨三日溪水深
一舸來訪見幽心
洗盃行酒月在地
開戶讀書風滿林
子才可陳賈誼策
我醉但鼓陶潛琴
空山茅屋少供給
持此以報雙南金

次韻李師文見東

無官不用焚銀魚自分茅屋深山居桐華吹處客載酒
松子落時予讀書身遊黃帝畫堦外心到盤古開天初
謾勞詩句遠相問已覺富貴浮雲如

次韻楊仲彰見寄

聞道草玄亭子深杖履日日事幽尋酒醪每同田父飲
詩句或與山僧吟堦前鶴啄碧苔色籬下犬眠紅杏陰
幾回悵望莫雲遠有懷不寫誰能禁

蔣子宜約遊義安寺不果就飲于家有詩次韻

亦知高誼重交遊
投轄相歡醉未休
別墅尊壘過永夜
上方鐘磬隔清秋
淵明豈是辭蓮社
安道何須見雪舟
賸水殘山看不厭
杖藜還復為君留

葉懋德過訪次韻

故人相別動經歲
今日一見心顏開
五更詩夢忽生草
四月雨聲初入梅
正須把袂論出處
庾用彈鋏歌歸來
花溪水滿魚可釣
坐對青山銜酒盃

答陶生羽漸寄詩

青袍白髮歸田後依舊山林隱者風騏驎總宜肥苜蓿
鳳凰終亦老梧桐要知維翰過裴皞未許康成別馬融
十幅蒲帆挂烟雨江流元不限西東

所思

不是春來懶賦詩賦詩偏動故鄉思蘇公堤上看花日
西子湖頭載酒時三載不歸生白髮幾回曾夢倚烏皮
春風錦瑟遙憐汝夜雨青燈獨對誰

憶昨

家住西湖湖水灣
開門日日見青山
晚風蝴蝶疎簾外
春雨鷓鴣深竹間
艤棹門生移酒至
入城童子借書還
而今清事何由再
阻絕天涯鬢欲斑

詠史

始皇

戊戌前作

六國雄吞似建瓴
皂旂從此任嚴刑
南巡禹穴功雖刻
東度蓬萊術不靈
持璧先知祖龍死
載車難掩鮑魚腥
驪山草木同衰朽
萬古依然自六經

陳涉

甕牖繩樞一隴夫
棘矜談笑奮雄圖
始從閭左追秦鹿
更向祠中託楚狐
日者既來徒黨集
夥願纔剪腹心
孤回看三尺風雲會
曾有朱防等輩無

項伯

馳車霸上語張良
舞劍鴻門却項莊
交友恩深雖可報
君臣義重忍相忘
楚歌自此聞垓下
漢爵徒能得射陽
若識五文龍虎氣
丁公遭戮獨堪傷

項羽

過人才氣更重瞳
憤與神騅立戰功
三戶亡秦知氣數
諸侯朝楚屬英雄
孤忠亞父頭空白
扶義懷王血尚紅
俛仰君臣多愧色
豈唯無面見江東

蕭何

刀筆區區起沛豐
經綸事業盡關中
撫民為有三章法
轉餉能先百戰功
漢祖難忘上林苑
韓侯誰使未央宮
可憐一代興王畧
只與當時主吏同

張良

博浪沙中亦浪謀圮橋一變運機籌豈因漢帝扶炎祚
正為韓王報世仇儲嗣真憑紫芝曲神仙假託赤松遊
熟知名就身還辱故爾封侯只願留

陳平

冠玉平生擅美姿已於分肉見施為聲名此日齊三傑
籌策當年用六奇周勃固知才不逮王陵仍有節難移
試看諸呂封王後漢鼎端如一綫危

酈食其

皓首猶誇八尺軀
入門長揖豈豪麤
時人不識監門吏
英主偏知好酒徒
東下齊城從染鏹
西開漢國未分符
雖於青史慚前箸
曾是區區一豎儒

陸賈

奉使南夷誰得雋
陸生雄辯口如瀾
直將冠帶回椎結
更倚詩書化溺冠
好時歸來初解橐
太中推薦未酬官
須知誅呂安劉計
正在深交將相懽

叔孫通

太常近侍龍頭日博士初離虎口時尚改短衣從楚製
能逃古禮雜秦儀兩生不往誰為鄙三代相因豈在為
賴有忠言爭易嗣汗青傳載似期期

季布

憶自髡鉗載柳車魯朱猶得解紛譁平生任俠何須數
不死圖功正足誇楚日將軍猶為主漢廷御史必忘家
千秋雖重黃金諾老守河東謾爾嗟

蘇武

憶昔看羊海上居，雪寒猶是噉氈餘。
匈奴但識羝無乳，漢使能令雁有書。
屬國不嫌恩太少，中郎若屈義全疎。
願將手內清風節，賤子奸臣一示渠。

草閣

草閣正在江之濱，白沙翠竹便為鄰。
家雞避客飛上屋，野鴨成羣來近人。
石渠翰墨非無地，錦里桑麻却甚真。
目送漁舟行浩蕩，一川煙雨渺絲綸。

石井山中

石井山中雲繞門題詩不減浣花村已知子可為宗武
更願孫能繼審言照眼椒花工取媚向人梅藥故開繁
老来自信生涯好乞與春風日討論

歸田

老病歸來荷主恩田園蕪矣未須論一經有在堪傳子
百事無為且抱孫當年鄰雞啼屋上常時乳犬吠籬根
武陵謾說漁郎棹須信桃源本是村

遊壽山

雙澗橋西見五峯分明孕孕翠芙蓉半空絕壁開金像
百道飛泉噴玉龍怪石坐來斜聽鳥曲闌凭處倒看松
平生自倚凌雲筆不媿山僧飯後鐘

夜回三界

官事匆匆敢計程微軀辛苦為蒼生雨寒轉覺籃輿重
月黑全憑火炬明路轉松林多虎跡夜投茅屋少雞聲
五更又過清風嶺不費推敲句已成

觀潮

江上秋風八月潮
浪花吹雪過山椒
雄吞越徼聲喧襍
高蹴吳天影動搖
鐵箭事聞今尚在
鷗夷魂遠有誰招
滔滔無限朝宗意
夜久魚龍漫寂寥

郊外

暖雲過日不作雨
客子郊外尋春光
野花朵朵紅間白
堤柳絲絲青尚黃
不貪馬上得新句
正憶天涯非故鄉
流鶯飛燕自來往
店事歸途芳草長

宿山庵

初夏日長夜漸短客子頗愛青蓮庵
明月皎皎鶴在樹涼風蕭蕭龍起潭
小葦琅玕破幽夢深盃琥珀凝餘酣
關河千里暗芳草與爾一曲歌江南

晚興

晚林歸鴉棲未定客子看餘吟
且行青山缺處殘日落碧海盡頭
明月生流光欺人老將至拙學笑
我名無成草閣柴扉已安分金馬
石渠空復情

訪田德遠

出郭杖藜輕十里橋西為訪隱
君家晚風山逕吟松葉
秋雨溪田落稻花
細數交朋能有幾
劇談詩法浩無涯
才華如此須臺省
得似青門老種瓜

宴蔣仲行水軒

層軒正在峴山東
竟日看山與畫同
楊柳尚含春意綠
薔薇更倚夕陽紅
影揮豪客金尊月
香引佳人翠袖風
景物留連足懽賞
此生只合醉鄉中

旅中秋懷

高秋雲冷雁南飛
遊子天涯尚未歸
風雨黃花佳節近
江湖白髮故人稀
蓬萊獻賦才名拙
盤谷讀書心事違
正是客愁眠不得
誰家徹夜擣寒衣

八詠樓與知府權緯聯句

危樓瀟爽近星辰
此日休文送目頻
緯白髮偏催能賦

客粵青山幾閱倚闌人
緯四郊雨足雲歸晚
緯萬里天

回月出新今古才名真不忝
後來誰復繼清塵
粵

壽日讌胡伯弘昆仲家

胡家兄弟出名門朝夕留賓禮意敦特為老夫稱壽酒
敢忘沉醉坐華軒春前著蕊梅猶淺臘底飛花雪正繁
石鼎煮茶過夜半少陵詩法正煩論

遊石室寺

石室初從渾沌分呀然一竅氣氤氲山僧慣住鼇鼉窟
野老能穿虎豹羣行怪帽簷常礙鮮坐驚衣袖忽生雲
幾時更借禪床卧六月松聲絕頂聞

賀吳弘道再令永康

相逢曾記帝王州
又向華溪接宴遊
陶令雖辭彭澤去
寇君終為潁川留
雨鳩鳴綠桑連野
晴雉翻青麥滿丘
早晚治平推第一
璽書推上鳳池頭

遊山之樂自楊文開下凡一十五人葉茂德不
與作詩以詰之

賤子不出動經月
出門四郊多好春
微風野桃紅作陣
連雨溪水綠成鱗
楊雄為文最奇古
李白得句徒清新

只欠橋西葉微士
酤酒一洗胷中塵

宋明府席上贈胡仲申隱居并邵原性

近年耆舊晨星似
况復林泉事考槃
白首能來欣倒屣
青雲不去恥彈冠
日長公館棠陰靜
春莫山城雨氣寒
更有同行邵文學
可辭樽酒罄交歡

對雪懷池文仲

歲莫俄驚十日凍
天風吹雪滿江南
窮陰積數花應六
豈歲標祥白已三
出土麥苗還自秀
傍巖梅蕊為誰含

此時安得池徵士茗椀新詩夜劇談

秋日道中

一上藍輿便有詩詩懷如與素秋期好山到眼時時換
流水於人步步隨衣古任從村犬吠心閑惟有野鷗知
翛然獨立乾坤外白雪寥寥和者誰

九日無酒

去年有酒嘗酩酊今年無酒空徘徊白衣欺我久不至
黃花向人徒自開枯腸何由出芒角渴心從此生塵埃

青蚨三百且沽取休負吾家鸚鵡盃

清明有懷

客裏清明多感慨強拈卮酒破愁顏此時榆柳皆新火
滿眼松楸非故山春水漁舟來個個曉林花雨落班班
登樓轉覺添歸思欲寄尺書無雁還

玩月一首寄國學諸友

吟邊遠客逾千里病裏中秋又兩年人在西風早白髮
月從東海上青天金波不盡方流澤玉鏡何因獨欠圓

安得清光照哀晚布衣容易到林泉

金陵與諸生玩月時得告

幾年客裏中秋月不似今宵分外明
出海得無行路苦照人偏有故鄉情
瓊樓玉宇高千尺翠杓金尊下五更
來歲倚闌懽賞處柳村回首憶諸生

金陵元夕

金陵城裏逢元夕始信蓬萊不外求
山湧六鰲仙子殿星垂萬象帝王州
吹笙已遂豐年樂秉燭何辭永夜遊

綵筆新詩宜唱和恩波咫尺鳳池頭

題桃源圖

綠桃花發武陵春知是秦時避世人縱使山川異風土
依然父子即君臣傍岩茅屋雞啼遠隔水柴扉犬吠頻
何日扁舟親到彼坐看烟雨渺絲綸

陳斯德山水畫

南峯北峯雨晴初愛此濯濯碧芙蕖便從谷口請學稼
復憶太行曾讀書洞猿出林曉偷果溪獺上灘宵祭魚

時危相對失圖書欲借茅屋身岩居

鼓柁圖

畫圖不必求玄真野服蕭然如古人一竿能敵駟馬貴
隻舸乃與雙鷗親楊柳風生綠嫋嫋桃花水動紅粼粼
知子此時正堪樂溪魚入饌色朦銀

題清風嶺王氏烈女祠

猶聞虎旅下天戈廟宇經年長薜蘿玳瑁簪斜蛛網密
石榴裙短燕泥多即於白刃全吾操為至清風奈爾何

賴有篇詩留血跡清名不廢逐江波

題張伯雨隱居

愛君亭子澗之涯不減西湖處士家長日春風吹杜若
有時流水出胡麻山童斬竹供垂釣野客尋源憶泛槎
欲信神仙在人事重來猶恐失桃花

借張伯雨韻題楊廉夫隱居

飲馬橋南水亭好尋常把酒對滄波青青岸竹嘗簷長
白白江雲落檻多東野有時曾射鴨右軍無日不觀鵝

遂令黃蔑樓中客
來和先生鉄笛歌

題孟都司有餘清軒

鑑湖西頭飲駄馬
水風瀟洒動漚波
青山當戶意不盡
白月近人光更多
梅邊自檢孝廉傳
竹外忽聽滄浪歌
幾時對雪發幽興
獨抱古琴深夜過

題蔣伯康繭窩

蠶叢國內房偏小
蛟客機邊構甚奇
日射坐氈如挾纈
雨經簷瓦似縑絲
豈同蝸角虛名誤
真與壺天樂事宜

許史金張何足羨
千間大廈貯蛾眉

梅

翠竹冷渠幸不遮
分明開向野人家
影斜流水春前樹
香淡疎籬雪後花
索笑故應催客句
亂愁祇為送年華
揚州何遜無消息
欲寄東風道路賒

謝友人送酒

甕鼎熬成白玉漿
鳴鞭走送意難忘
開瓶已勝葡萄色
入口偏誇苴寇香
未教劉生千日酒
應同王母九霞觴

黃花正爾欺人老爛醉西風也不妨

輓石珠山璣萬戶

平生禮樂作元戎餘事機謀立武功鐵馬南征如昨日
戈船東下忽秋風龍文夜泣床頭劍苔錦朝侵壁上弓
最憶閭門舊碑石人人墮淚說羊公

輓陳世恭

花溪廿載遂交遊似子相知百一收孫楚有懷哀甚切
耿蘭無報淚空流白頭慈母應多病黃口孤兒不識愁

最是斯文從此絕淒風回首卧雲樓

次韻吳德基見贈

併序

德基太守先生相過季春三月五日也契闊音容
嘗形於夢寐一旦接懽尊酒其快何勝俯仰十五
年間故舊如晨星落落方欲為詩以叙其故而返
屈先施詞翰超騰固難貂續然亦勉為之以符彼
此不忘之語云

纔看作縣上南康五馬歸來髻色蒼龜鶴隨身今尚在

菊松照眼未全荒
疎簾雨過山光潤
小館春深竹氣涼
多幸情親遠相過
更題珠玉轉難忘

題胡氏東軒

魁山東頭構小軒
尋常風景總堪論
牕含滄海千秋月
檻拂扶桑半夜暎
臨水桃花爭點樹
穿泥萱草故生根
友于愛客如春暖
日日談詩對酒尊

咏菊二首

胡君伯弘賢昆季雅好菊
一日以三本移植瓦缶

置諸東軒之下白者對植如玉紫者特立而不羣
延玩久之悠然有得因製四韻以彰其美云

君家盆內菊花栽三本偏能二色開白玉仙童迎我笑
紫衣卿相為誰來休嫌風景當遲暮正倚文章逼上台
如此秋光莫辜負倚闌懽賞且銜盃

東軒紫白二菊予嘗賦詩以詠之矣伯弘之令弟
叔敬復出紅黃者三盆於是爭奇競麗照耀前後
書齋為之增賁又安可默而無言耶錄似一笑

念子愛賓如愛菊，慙慙相賞坐無時。
已知紫白能專美，更遣紅黃為出奇。
畢卓將螯須左手，陶潛把酒只東籬。
秋風滿地皆蕭艾，老眼看花且賦詩。

送程知縣赴寢官

雨後官河水接連，行人初上木蘭船。
即看治政聞天上，便有徵書下日邊。
玉佩曉趨宮草色，錦衣春染御爐煙。
龍盤虎踞多形勝，共祝皇圖億萬年。

送徐允中赴國子監

歸覲匆匆有命催武瞻江左莫徘徊南州徐孺應同族
太學何蕃不乏才風暖虎闌羣玉聚天高龍闕五雲開
須知聖主崇文地袞袞衣冠上省臺

雪

莫怪寒雲蔽日昏雪花如浪灑乾坤今年恨不高三尺
去歲何曾落一番入地遺蝗雖已盡繞枝饑雀奈相喧
由來造化無兼美且對春風濁酒尊

途中雪

出門飛雪大如拳
客子山行興可憐
謾道珠光生合浦
真成玉氣滿藍田
惟驚十里無人跡
曾見孤村有竈烟
肌骨苦寒何足恨
來秋準擬是豐年

輓趙世良

喬木如龍在五雲
玉堂家世自超羣
六旬已棄人間事
一夕俄修地下文
古麗諸甥情慘切
陳留老友淚繽紛
明年九日魁山下
共揀茱萸只欠君

別胡伯弘仲源叔敬季祥諸昆仲

斗魁山下樹叅天文定流風幾代傳兄弟四人皆好客
鄉間諸老總稱賢花溪雪霽春搖蕩翠峴雲深路接連
金石交情有如此臨分焉敢廢詩篇

移居

峴山西望翠濛濛客子移居似畫中正喜孟郊家具少
不愁阮籍路途窮昔時朝野青雲士今日山林白髮翁
從此杜門甘寂寞著書多暇教兒童

題李愿歸盤谷圖

晴峯萬疊翠屏張
風景分明似太行
野鴨飛時穿柳亂
春泉濯處帶花香
李侯興趣山林遠
韓子文章日月光
安得携書白雲裏
畫圖千古共徜徉

橙川四詠

橙峯晚雲

壯觀橙川第一峯
尋常雲氣接飛龍
玉漿流地春無盡
翠髻撐天曉更重
幾度採芝身縹緲
連朝拄笏興從容
雖然不作他山雨
靈物何曾有定蹤

潘隴春耕

隴上曾傳負米生至今知姓不知名鄉人但比龐公隱
使者能忘冀缺耕紅槿日邊黃犢卧綠蓑雨裏錦鳩鳴
有時醉倒枌榆社隔舍扶歸稚子迎

梅航讀月

莫怪齋居山似航徐君教子有餘芳青燈只假梅梢月
綵筆兼書柿葉霜千古南州名不廢幾人東閣興難忘
百花榜上魁名在要借嫦娥一寸光

桃源小境

武陵謾說遇神仙
此處分明小洞天
始謂山川無道路
忽驚雞犬有人烟
秋風禾穗黃雲外
春水桃花紅雨邊
我欲題詩誇絕境
詩成又恐競流傳

題徐孟璣愛日堂

高堂春暖晝陰陰
愛日祇緣愛母心
寸晷豈惟同尺璧
一時何啻直千金
承歡未覺斑衣老
介壽長為白髮深
安得揮戈駐流景
莫教寒暑互相侵

中秋玩月簡橙川諸友

海上風高八月天分明吹出大銀盤
光含宇宙無偏照影納山河却倒看
今夜正須傾鑿落幾人能共倚闌干
嫦娥也念題詩苦賜與長生白兔丹

憶昔

西湖湖上數追隨好友相忘發興奇
蠻榼花間行載酒胡床月下坐談詩
昇平樂事懷前日老大光陰愧此時
無復能誇人似玉只今惟有髭如絲

題崇壽堂三老圖

并序

濟源胡君構崇壽堂以尊三老又命工繪為圖其
風儀凝著衣冠儼雅各有可觀者濟源既為之序
且徵予言為製四韻以復之後人因序以觀其圖
因圖以觀其詩則知斯堂之意矣

崇壽堂前三老圖畫師落筆擅江湖即看生面雲為氣
盡是高年雪滿鬚洛社諸公今在否香山盛事近來無
松傍侍立衣冠者亦是人間寄傲夫

輓傅仲先

百年家計老無愁三子才能長最優暫往句容因祿養
將歸古麗竟仙遊丹山碧水迎飛旆白叟黃童望遠舟
為寄南豐香一瓣臨風哀此淚雙流

題金華王傳朋墓誌銘後

憶昔衣冠聚一門至今人物見諸孫豈無濟濟才名繼
況有堂堂相業存文憲先生銘已刻奎章學士句堪論
庭前手植三槐樹應是頻霑雨露恩

別俞光大

常懷秉燭賦新篇
忽復開樽就別筵
奔走為誰頻道路
棲遲無分共林泉
黃肥梅子千灘雨
紅爛桃花五月天
此際思君遠相過
葛衣蕭瑟晚風前

胡生仕中九日載酒

門生載酒來衡宇
埜客簪花憶故鄉
酒色纔於今歲綠
花枝仍似去年黃
殘山剩水登臨厭
短句長歌屬和忙
信是乾坤容晚景
不知風雨過重陽

春雪

盈尺江南雪未聞
花時况復落紛紛
長河不雨來春水
平地無山起白雲
掠兔鷹鷂偏得食
街魚鷗鷺亦成羣
草堂幸喜明如晝
獨自看書到夜分

薰風

舜殿南風何太好
阜財解愠意相仍
五絃琴內聲初起
三尺階前教已興
比屋有民皆長養
康衢無處不薰蒸
蘭臺此日雌雄賦
宋玉多才亦浪稱

牡丹

紅紫春來摠浪誇
風流須讓牡丹花
盈盈仙掌盛朝露
冉冉酡顏映晚霞
此物宜栽天子苑
為誰來自野人家
客中相對俱寥落
且與殷勤舉玉窪

草閣詩集卷五

欽定四庫全書

草閣詩集卷六

元 李昱 撰

七言長律

投李右轄十六韻

漢家三十六將軍誰似安東第一勲
練卒舊諳蛇鳥陣斬關新殄虎狼羣
金城列鎮頻紆策玉帳巡行竟解紛
笳鼓五更傳落月旌旗千里捲歸雲
孫吳自古雖論武賈鄧從今但講文
樽俎折衝兵愈奮河山帶礪券還分

雖居鼎鼐崇儒士解使兒童識相君名動虎關風肅肅
恩流鳳詔水沄沄營屯細柳連春色山轉烏龍對夕曛
萬里守邊嚴號令三農在野樂耕耘門延白衣冠盛
座引鄒枚禮數勤詩句賡歌情繾綣香爐宴寢晝氤氲
不才曾辱封書召多病空勞使者聞滿擬布衣甘杞菊
豈期金屋到玄纁路從薇省朝天上舟過桐江泊水濱
知己感深無以報謾憑長律頌清芬

贈金中孚十二韵

在眼交游總俊髦多君才調獨風騷蜀都巧織千機錦
巫峽雄翻二月濤心入陰何詩窟遠名登李杜將壇高
雖承紫詔終辭祿若賦丹墀定奪袍行李清秋逢縣署
杖藜薄暮過林臯金盤屢出銀絲餽翠甕新開玉色醪
醉後脫巾猶舉爵狂來秉燭更揮毫孫陽頗解知天馬
歐冶偏能試寶刀莫作後塵工語麗要追前輩擬心勞
吟殘春草看衣線添取晨霜上髣髯毛百里去程山岌岌
雙溪歸興水滔滔元龍樓上憑斜月深夜懷人首重搔

送楊文開歸金陵十韵

金陵自古帝王居佳麗相傳畫莫如王氣不銷龍虎地
清光長射斗牛墟青氈作客愁無那白髮還鄉樂有餘
聯轡總來金騷囊揮毫頻對玉蟾蜍難兄學問趨天祿
令弟才名動石渠共掃松楸經雨露同依桑梓送居諸
沙頭酒盡雙瓶後江上帆開一棹初李白詩成誰倡和
揚雄賦在自吹噓秋風此日看鴻雁春水明年憶鯉魚
石井峯前讀書處也應飛夢到茅廬

送孔士安教諭之孔林十六句

孔林東望路漫漫客子清晨跨錦鞍岱嶽雲開青未了
濟河水泮綠猶寒壁藏科斗今人識

自註識言
不識也

經載麒麟

後代看入廟定聞周禮樂到鄉因會魯衣冠壇存琴
奏千年古墓拱楹連百畝寬贈友但憑詩句好離筵須
望酒盃乾去時春雨梨花白回日秋風桂子丹百尺樓
頭開宴處候君重與罄交懽

送邵原性遊括蒼

二月東郊花已冥一番南浦草初青
交游舊雨如今雨送別長亭更短亭
席上新詩纔十韵沙頭清酒盡雙瓶
江湖豪氣青蛇劍沙水生涯白鶴經
子美須期才可繼景純兼羨術多靈
庭闈已薄西山日雲霧難掩處士星
船入好溪銀作浪人登括嶺翠為屏
被鞍騷裏應辭策出匣豪曹始發硎
野老得歸雙短髻異鄉相值兩浮萍
挑燈後夜思君切高枕陰何欲再聽

秋暮遊橙尖下村居八韵簡王彥璧

秋盡山行日未昏
縈紆林壑隱乾坤
徑深黃葉疑無路
岸轉清溪別有村
盤谷縱幽何足羨
輞川雖好未須論
過橋苔蘚生巖罅
坐石蘿藤挂樹根
老嫗蒸藜邀上客
阿翁剥棗引諸生
新茅蓋處雞啼屋
短杖敲時犬吠門
避地正須營草閣
逢人何用問桃源
不通姓字相賓主
願子情親作弟兄

題問月軒

華軒結構與雲連
正在書臺紫翠邊
金巨羅中邀皓月

玉欄干外問青天廣寒宮殿名虛得大地山河影浪傳
藥搗玄霜分若個樹誇丹桂種何年蟾光此夜因誰缺
兔魄今宵却又圓惆悵姮娥亦無語倒騎白鳳舞翩翾
七言絕句

冬日

冬日苦短不可說況乃朔風吹倒人鄰童折屐走相報
江上無數梅條新

偶成

獨木橋頭芳草齊
野人縛屋正臨溪
日長課罷渾無事
自向花簷掃燕泥

湖堤曉行

宿雲如墨繞湖堤
黃柳青蒲咫尺迷
行到畫橋天忽醒
誰家茅屋一聲雞

冷泉亭觀猿

靈隱寺外冷泉亭
蘿風吹日晝冥冥
猿啼一聲松子落
無數白雲生翠屏

秋晚遊西湖二絕句

八月西湖鏡裏天，中流柔櫓下輕烟。
回頭指點青山好，有箇白鷗飛上船。

秋夜西湖泛櫓過，滿船星斗近天河。
鳴榔忽動清風起，一對鯉魚吹白波。

遊西林寺

湖上秋來雨氣深，買舟容易到西林。
青山好處看不盡，白鳥一雙穿柳陰。

鑑湖舟中

鑑湖秋暮水如天
宜與詩人載酒船
兩岸芙蓉紅未了
小樓絲管出嬋娟

越中燈夕一絕

清光多處是蓬萊
金色芙蓉午夜開
夾道傳呼避驄馬
繡衣御史看燈回

燈辭三首

萬點金蓮燭漸燒
水晶簾影夜吹簫
只知天上星辰近

不覺人間夜色遙

打遍涼州羯鼓聲牡丹花發最分明
春宵苦短須沉醉
莫使金雞下五更

翠作鰲山繞四圍
燈前行樂泥光輝也知今夜春如海
雪片如銀不敢飛

守歲有感而作

家人草草具盃盤
爆竹聲中笑語懽衣上忽看慈母線
淚痕如雨落更闌

烟林詩思圖

青絲絡頭白鼻騮
林下春風踏落花
最憶吟餘饒野興
淡烟斜照數歸鴉

美人引子圖

明粧麗服照青春
疑是昭陽殿裏人
銀甲彈箏猶未了
花前雙引玉麒麟

陳仲美山水

山中古樹色冥冥
茆屋斜連薜荔青
昨日雲深貪採藥

楚猿偷誦太玄經

東坡風竹圖

戲拈雞距紫毫芒
寫就風梢數節長
從此玉堂雲霧裏
都將粉墨繪文章

畫馬二首

黃金如土築高臺
郭隗纔登樂毅來
若使當年輕駿骨
臨時焉有急難材

銀鬃繡膊氣偏驕
應是房星降赤霄
汗血沙場宜百戰

憑誰借與霍嫖姚

老樹擎霜圖

夜寒霜氣裂滄溟潭底老龍眠欲醒萬劫玉漿流不盡
化人來聽藥珠經

淵明醉像

玉山頽矣葛巾偏老僕扶持步不前莫道先生渾不醒
醉中猶記義熙年

題梅

四首

金少日人
卷六
西子湖頭春可憐
落花如雪晚風顛
不辭萬點飄香去
乞與珠宮作水仙

羅浮山下隔烟開
香雪紛紛入夢來
誰謂縞衣今寂寞
花光筆裏喚春回

歲暮江南十日雪
犯寒開處只南枝
揚州何遜苦憶汝
寥落人間無好詩

斷橋流水月黃昏
幾度相思對酒樽
只作總宜船上看
槎枒玉樹挂金盃

畫鷹

金眸玉爪下雲端能使羣狙膽氣寒
山木蕭蕭秋色老英姿猶向畫圖看

徽廟翎毛

羽毛如錦太歲毬花石東頭入畫時
無限新聲聽未了金風吹動萬年枝

江叟吹笛圖

長江浪險懶垂鈎短笛西風且自由
兩岸蘆花如雪白

一聲吹動楚天秋

雙竹圖

湘江秋影水雲寬
筆底移來只兩竿
若挂高堂無六月
洒衣蒼雪不勝寒

清溪采菱圖

鑑湖水清越女白
日暮採菱歌正長
畫舫香風移不動
藕花深處看鴛鴦

洞賓小像

洞庭湖水碧如天
一劍凌秋興渺然
琪樹金蓮栽未了
人間回首又千年

墨菊

山僧能剪硯池冰
墨色模糊巧作稜
自是東籬栽不得
却將秋影上溪藤

鈎勒竹為王彥明題

金剪刀裁銀鳳尾
珊瑚鈎挂玉龍魂
夜深秋影和霜重
壓碎湘江月一痕

畫蘆鴈飛鳴宿食

一行斜起雪成羣
嘹唳聲多遠更聞
夜冷蘆汀眠不得
啄殘千頃洞庭雲

紅梅

滿林紅雪影毵毵
夜靜和春浸碧潭
却憶騎驢二三月
杏花小雨看江南

百鴈圖

十月開帆揚子江
沙寒白鴈滿船窓
畫師貌得當年憶

宿食飛鳴五十雙

畫魚 二首

東風吹動綠蘋洲
中有神魚得自由
一躍玻璃三萬頃
不貪香餌上金鉤

自從濠上無莊惠
此樂寥寥直到今
翠鬣錦鬚看似畫
一篙春水落花深

題唐以仁山水圖

莫怪柴門門未關
屋頭無數好青山
暮年袖却絲綸手

一箇魚舟盡日閒

牽黃熊回山

野性由來不入羣
歷堦穿竇恣紛紛
主人自有茅廬在
好去山中吠白雲

瓶中牡丹

古銅瓶中紅牡丹
宛如仙女醉乘鸞
嬌姿不貯黃金屋
却向茅簷造次看

西湖竹枝歌五首

總宜船中載酒波
雁兒舞罷近前歌
日斜莫拗青荷葉
心似藕絲頭緒多

菱角鈎衣為出尖
蓮心苦口却回甜
妾生不恨郎緣薄
自恨春波日夜添

芙蓉花面藕絲裳
柳葉眉尖恨最長
嗔道王孫金彈子
朝朝來打野鴛鴦

湖上春來郎未歸
青青楊柳想郎衣
郎今走馬章臺路
切莫顛狂作絮飛

家住西湖湖岸頭十三吹得樂官愁
連環欲結同心事只怕郎心似水流

春日雜興二首

鷓鴣春雨過東風晴日桃花岸岸紅
行到小橋聞犬吠人家都在柳陰中

桑葉繞綠多纖纖蕨芽正肥春笋甜
茅屋人家風日好老翁捫蝨傍頽簷

草閣圖

雙松樹下半茅堂萬竹叢西一野航
畫箇老翁頭似雪
坐間書卷對滄浪

畫梅

梅花三昧是花光復有徐生遠擅場
遮莫高樓夜吹笛
玉奴自有返魂香

暮歸

山腰小路曲如蛇薄莫踈踈雨潤沙
醉裏亦知秋色老
西風開遍木棉花

謝王彥璧惠墨

故人投分如膠漆
許送家藏黑玉圭
客裏傾囊無以報
草堂絕句手親題

秋陰

莫道朝來滴雨無
黑雲遮日已模糊
道傍聽得農夫說
天氣渾如八月烏

題胡伯奇蘭

澧浦春深長綠芽
國香一種最堪誇
紛紛俗眼迷凡卉

只有君家識此花

初夏書懷一絕

柴門無事晝長關
四月書聲綠樹間
借問當年誰似我
除非盤谷與匡山

梨花圖

梨花如雪弄春寒
常記清明馬上看
今日賦詩勞想像
美人和夢倚闌干

題芷陽書齋

芷陽山中屋數椽樹陰將綠遶堦前客來敲戶不出應
看到馬蹄秋水篇

東童良仲聚遠菴絕句

蘭江書法妙無倫鉄筆兼逢遠上人肯向魁山尋野老
不辭沽酒典衣頻

題扇圖

憶昨扁舟落鑑湖山庄隨處索菱租誰知三十年前事
今日秋風見畫圖

白雲親舍圖

叔剛陳君以親命從師於外闕時省作白雲圖以懷之且求予詩作四絕句前二首明義方之訓後二首著愛日之誠云

昔聞孟母三遷教今見此鄉陳大家馬鬣蓬科自長夜
流傳卻有白雲圖

萱草誰云兒女花侵陵雪色耐年華
瞻雲莫使斑衣濕
好事辛勤到五車

東書千里別慈顏看盡慈烏落照間
山外白雲雲下屋倚門昨夜夢連環

遊子思親無奈何青山回首白雲多
雖云學問瞻淇澳終念劬勞廢蓼莪

題李後主畫竹

落筆還同鐵鉤鎖照眼何如金錯刀
老可小坡應王氣一竿秋影拂滄濤

食茭白

西風吹雨飽秋菰卸却青衣見玉膚客裏嘗新成一笑
不圖今日見西湖

徐孟璣送東陽酒

故人遠送東陽酒野客新開北海尊不用尋梅溪上路
春風吹氣滿乾坤

題杜居安瘦馬圖

欲試原頭春草長老來筋力已堪傷嘶風復有飛騰志
願見當年田子方

題呂宗義扇面雲溪釣隱圖

蘇耽元是橘中仙
一局殘棋不記年
近日白雲溪上住
都將幽興付魚船

歲暮雪中東俞生仲深叔昭

歲暮棲遲老樹村
紛紛急雪洒黃昏
乘舟誰效山陰客
不是晴天不過門

草閣詩集卷六

欽定四庫全書

集部

草閣

拾遺文集

筠谷詩集

詳校官庶吉士臣龍廷槐

中書臣劉源溥覆勘

總校官進士臣繆琪

校對官中書臣范來宗

謄錄監生臣鄒曾蔭

欽定四庫全書

草閣拾遺

元 李昱 撰

題徐原父推蓬圖

憶昔西湖湖上路梅花雪後開無數總宜船子坐推蓬
偷眼看花索詩句在上不見瓊瑤痕在下不見莓苔根
橫梢半截露春色繁花爛熳如兒孫玉龍槎枒卧清曉
老幹新條抽未了崑岡玉碎春風來吹香撲鼻知多少
天上歸來十五年湖光寂寞真堪怜金樽檀板查無跡

金史四庫全書
但見落日之漁船徐君寫梅奪造化白璧黃金滿高價
昔日少年今白頭嘆惜人間空見盡

梅山義塾秋丁

庭燎光寒宿雨過無眠數問夜如何鼓鐘既作聲音間
冠佩初臨禮數多聖德由來同日月文章元不阻山河
小儒才劣叨司教相與從容託詠歌

留別陳世恭

數年膠漆方投分今日萍蓬又索居好客每令樽有酒

辭君非為食無魚
海棠亭暖春題句
簷蔔林香夜讀書
兩地關心正相憶
便風毋使問音疎

金華留別陳公明

十載從游處雙溪
送別時情深猶已
子義重忝人師夜
雨窓前史春風筆
下詩黑頭須努力
期爾鳳凰池

題王竹齋墨梅

鼻觀幽香靜可參
月明和影落空潭
霓裳不動冰魂遠
恰似江妃睡正酣

陳世恭昆仲同遊龍泉庵賞海棠

三月江南好風日得意看花馬蹄疾頗憐西蜀之名花
爛熳嬌紅逞仙質麗臉猶嬌繁杏艷柔絲已學垂楊密
遊蜂迷處萬朵明歸鳥鳴邊一枝出青霞時留仙客佩
絳雲夜照維摩室去年載酒常恨晚今歲題詩未開畢
道人所樂非一二弟子相隨成六七過眼誰羞花似霧
簪帽猶誇髮如漆日斜欲去還徘徊喚取佳人彈錦瑟

京城寄題陳世恭卧雲圖

好山多處翠成羣中有幽人卧白雲只隔紅塵一千里
幾回清夜獨思君

戲東池莘仲

少年一飲輕千鍾力微難染桃花容年深始作汗酒法
以一當十味且濃王君親傳坎離鼎出甕鵝黃煮秋影
檀心味烈九醞同醉倒伯倫呼不醒清晨喜見雙玉瓶
中涵沆瀣光冷冷鸕鷀之杓鸚鵡盞坐使賓主皆忘形
我老多愁酒難敵故人未肯分餘瀝座中甘作劉公榮

醒眼終朝看山碧

題陳世恭所藏山水圖歌

米公老手無人繼從此乾坤少清氣畫師落筆頗似之
素練曲折開秋意上有青山萬疊之嶙峋下有白雲千
頃之氤氲丹楓翠栢森左右年深乃成十抱文白石坡
頭埜亭小一葉漁舟蕩清曉對岸想像忘機翁坐占蒼
苔談未了我嘗四載客京華每見畫圖成嘆嗟垂老歸
來愛幽獨欲借雲根半間屋

清風樓歌

君不見義烏門東頭上有百尺屹立之飛樓雕簷稜層
象緯逼畫棟縹渺烟雲浮桓桓徐將軍志氣非常儔登
城覽形勝構此壯觀東南州樓中班陪盡鷁鷺樓下隊
列皆貔貅是時新雨餘六月如高秋炎埃一點飛不到
但覺清風四座來颼颼將軍手揮白羽扇身著紫綺裘
欄干十二倚霄漢無邊景物歸冥搜東觀覆釜山氣蒸
紫翠暖欲流北望芙蓉峯錦繡五色攢空周西有長空

倒影之飛檣鐵梁下鎮蒼精虬南有芳草連天之曠野
但見飛騎來往秋獮而春蒐揚雲旗凜霜矛禱太乙擒
蚩尤魚麗排空金組甲龍泉盡製銅華緱陣前猛士力
如虎一一盡戴銀兜鍪將軍登樓長嘯破強敵自與文
士相旋周清談動玉麈拂袖揮銀鈎投壺矢錚錚雅歌
韻悠悠庾公清興不可及將軍豪思真堪侔我來登
危梯撫掌落日驚沙鷗坐覺清風起蘋末醉來詩句生
滄洲將軍清風解炎熱亦如南薰羣動皆歌謳清風之

樓信千載清風之名千載無時休

送王秀才歸天台歌

李仙八月今幾年酒星飛上瑤臺天文光萬丈銷不盡
又遊蓬萊方丈之東邊王君王君醉仙後放浪堪為謫
仙友自言身後千載名何似生前一盃酒黃金杓白玉
盃勸君滿引葡萄醅掃君頭上如霜之白髮澆君胷次
萬仞之崔嵬是時銀海花玉山頽高歌起舞不知夜但
見綠蘿樹下嫋嫋涼風來清晨別我飄然去家住紅霞

最深處美人笑倚桃花旁飯炊玉甌胡麻香左劉右阮
相頡頏故鄉之樂不可當我醉題詩惜相別飛夢時時
度雙闕明年有意還復來與君灑掃松下月

貞德堂歌

邇來為父雪讐恥聞者擊節清霜飛秋風蕭蕭木葉落
秋日皛皛行雲薄區區俗子不到門自對青山倚高閣
圭也著屐來相過入門磬折求我歌我歌從來不易作
與君交契柰爾何夜窓烏几蛟龍吼落筆光芒動星斗

要追洋洋風化首關睢麟趾同深厚方今聖治求華勛
觀風使者紛如雲此歌足以揚清芬他日九重天子聞

鍾馗歌

老日無光霹靂死玉殿啾啾叫陰鬼赤脚行天踏龍尾
偷得紅蓮出秋水鍾南進士髮指冠綠袍角帶烏靴寬
血口淋漓吞鬼肝銅聲剝剝秋風酸大鬼跳踉小鬼哭
猪龍饑嚙黃金屋怒氣至今猶未銷髯戟鬚髮努雙目

黃公鍛磨吟

一聲啼鳥驚春破但道黃公能鍛磨問渠鍛就將何為
麥熟村民免饑餓麥熟村民免饑餓即今麥缺愁難過

黃熊歌

我家有犬名黃熊不與尋常羣犬同狺狺夜吠捍門戶
兼有捕鼠之奇功山居燈盡黑如漆黠鼠出入聲啾唧
合曹合類恣所經攪甕盆翻嚙書帙黃熊此時方按行
喉之愈怒威盈盈奮前搏一百鼠散坐令傾洞成清平
蒙貴烏圓未須貴宋鵲韓盧莫誇技寄謝區區世上人

素餐尸位能無媿

不寐

臂痛愁難忍更長睡不成無由成蝶夢有暇數雞聲況
值青陽逼應多白髮生五湖心尚在吟罷氣崢嶸

貞德堂歌

并序

貞德堂歌者汴人李曄為永康徐君光大妻應女
而作也應女名惟貞自幼以端肅聞光大娶之光
大儒者也明於易不幸早世其婦於恒卦從一而

終之義熟聞之故守節不嫁遺孤六人辛勤鞠育
以恩及長勉之從師授業簪珥之飾盡賣以供費
今年已七十其子桂葦斯堂以奉之吾黨賢士夫
嘉其事且扁是名又形之以詩文是則然矣竊惟
婦人無獨成之理其德必本於夫夫者婦之綱也
不詳其綱而舉其目非善於辭者也有是夫必有
是婦有是父必有是子關雎麟趾悉本於文王乃
詩人敦厚之意故余法之觀者倘有取於此云

栢舟不作共姜死夏侯令女今則已古來貞德苦不多
落落晨星照經史請談應女生花溪自小端肅聞深閨
徐君光大工學易應女束髮與之齊吁嗟年纔三十五
良人早沒心何苦偕老相違願莫伸安得與爾歸黃土
青年未得身就木空幃別淚吞聲哭有髻不挿他人花
採栢南山動盈掬緝麻坐對寒燈悄縫衣行念諸孤小
嚴霜淒淒雞戒曉鳴機夜織猶未了有子名桂字仲芳
綵衣獨立鴻雁行母也七十頭如霜願構貞德之高堂

貞德堂前棟花茂貞德堂上萱陰覆四時八節禮數勤
拜舞稱觴為親壽吾黨作文并賦詩墨花滿紙何淋漓
不詳其綱但舉目到手聯篇徒爾為少君名由鮑宣出
孟光願與梁鴻匹徐君觀象明咸恒信有其妻解從一
遂能教子勤詩書黃簾映雨秋堂虛嫁裝盡賣供束脯
任使筐篋無贏餘徐家一門瞻具美夫賢子孝誰得似
後人弗替能引之德風便自茲堂起族孫徐圭字孟璣
飽觀貞德之光輝

冰山行

玄冥之域窮陰鄉冰山屹立遙相望盤根下令厚地裂
上令旭日無精光雕瓊鏤玉千萬狀陰機煜煜孰敢當
冰蠶五色不補衮冰柱百尺撐明堂大峯小峯亦旁出
爭挾氣勢相軒昂公然列鎮衝要地或為推裂烏臺網
東方蒼龍爪欲墮南方赤鳥口盡僵北方烏龜寒縮頸
於菟斂尾蹲西方獨操巨柄凜難觸衆人仰視心彷徨
白水真人凝不流桂薪粒玉吁可傷九州封豕食人肉

旌旗遍野塵沙黃金城湯池盡瓦礫往往白骨堆秋霜
新魂舊鬼相間哭哭聲落日連穹蒼赤者為狐黑者烏
北風其涼雨雪雰鳳凰高飛避矰繳梧桐不復生朝陽
天威憑憑上帝怒赫日回照天中央冰山傾刻付流水
百醜顯露那能藏乃知真龍含變化捲舒雷電功微茫
崔嵬巖巖今安在徒逞兇惡干天常崑崙自高太華峻
齊天作鎮垂無疆君不見萬歲山前春色裏紅雲紫霧
朝東皇

章三益匡山行

戊戌後作

仙人休吹紫鸞笙聽我一曲匡山行青蓮居士讀書處
至今石室丹霞明龍泉西南百餘里四面崢嶸翠峯起
先生結菴當畫圖正與匡山景相似屋前屋後皆種松
坐看百尺蒼精龍苔皮深含霜雪古鐵幹返走風雲從
一亭下浸蒼波冷縹緲烟雲成萬頃中有神魚長比人
翠髻翻動玻璃影一亭上與浮雲齊赤闌干外青天低
分明投壺笑玉女彷彿出海聞金雞東南一亭隱林樾

金史四庫全書
地位清高隔炎熱人間赤日如火流踈簾琅玕自蒼雪
最其秀者環中庭周遭萬朶芙蓉青朝來爽氣落我袂
蘿風吹日天冥冥鶴怨猿啼歸未得繡衣今作青雲客
故山回首五情搖歸夢時時到寒碧自古山林鐘鼎同
先生況有前賢風少待功成拂衣去入門依舊山花紅
春山道中與唐仲暹輩分韻得遲缸二字

莫春之初行樂時青衿濟濟亦追隨酒因愛客傳盃數
詩欲驚人得句遲溪柳線垂將霧綰野花紅落倩風吹

閒中景物千金直休使徵賢使者知

杖藜三月青山路風景真如濯錦江在樹啼來黃鳥對
隔溪飛去白鷗雙舊題僧寺詩連壁新釀田家酒滿缸
寄語朝端故人道歸歟已覺寸心降

題貞節堂

孔氏之家貞節堂大姑守志育賢郎貞如白石凌風雨
節比蒼筠傲雪霜截鼻未須論令女髡髻應不讓共姜
明年二月尋巢燕爭忍雙飛入畫梁

唐仲暹送魚

唐生寄我雙魚美
老婢揮刀割曉霜
遲子不來秋夜永
坐看秋月引杯長

秋興

白髮殊方客
青雲上國賓
莫教輕薄子
能侮老成人
咄書難盡蒼
蒼理自陳
尊中有美酒
爛醉且謀身

田家苦

戊戌前作

日如火風如血
崑崙碎黃河竭
雨聲隔雲招不來
高田

低田龜背裂老農踏車瘦如鬼黑不辨眉白見齒一寸
秋苗一寸心汗血願為三尺水霜羅扇霧縠衣冰盤味
甜紅荔枝老農有胆誰嘗苦租吏敲門夜騎虎

韓信

詠史

萁食相過識者稀時因漂母念寒微設壇拜將功雖稱
躡足封王禍已機既以解衣辭武涉如何挈手教陳稀
藏弓烹狗尋常事青史千秋有是非

秋風三疊題德鄰家所藏畫

金
卷之八
江南七月秋風起吹動白雲千萬里洞庭木落波影寒
天外冥鴻饑欲死男兒生無所成良可嘆出門荊棘行
路難酒酣拔劍為起舞滿堂星斗光闌干嗚呼一疊兮
秋夜永碧梧為我飄金井

江南八月秋風高裂雲直上聲怒號小聲白晝走沙石
大聲入海翻鯨濤夜半吹折長松樹衆鳥巢傾無宿處
豺虎啖人如蜜甜何處桃源是歸路嗚呼二疊兮秋夜
深干戈滿地愁人心

江南九月秋風落殺氣如雲暗城郭濃霜淒淒日色薄
玉疊鼓寒聲不作綠草夜奏蘭臺宮問天乞借襄王雄
前驅蜚廉後豐隆一洗狐兔無留蹤嗚呼三疊兮秋夜
肅變作南風五絃曲

夜望

堦除螢火亂縱橫獨立虛無見紫清北斗三更昏夜色
南風五月變秋聲思歸不但如王粲慟哭真應似賈生
天上銀河千尺水幾時能洗永休兵

金史紀事本末
卷一百一十五
方巖喜雨

觸熱區區到上方
踈簾小簟夢秋光
片雲忽作千峯暗
一雨能為五月涼
從此洗兵無戰伐
況今多稼免逃亡
天涯野客雖寥落
吟罷新詩喜欲狂

庚子春三月夢與梁生建中回故居

戊戌後作

春宵苦夢短
合眼在故鄉
今宵復何為
歷歷所見詳
天風吹我巾
明月照我裳
手持綠玉筇
衿佩同翱翔
路從北郭門
徑詣先塋傍
五年缺洒掃
青草如人長
不忍遽

六月驕陽逞炎熱日日南風赤如血東田西田水絕流
土膏盡作龜兆裂今晨白帝行新秋乾坤早覺陰雲稠
翻江到海龍用壯雨聲不斷寒飈飈甌窶窶邪盡生意
頃者萎黃復蒼翠野老迎神拜且呼農夫賒酒歡還醉
草閣道人無寸田也復起舞歌豐年年豐但愿飽吃飯
底用枯腸五千卷

甲辰歲九月一夜夢外舅天趣鄭先生問幽冥
之事但云海天月色秋茫茫覺而行其語以

去之徘徊流涕滂迂行羊角埂載出甘泉坊河西與河
東人烟眇相望屋廬間新舊田園半榛荒故友四五人
相逢訴衷腸剪韭焚枯魚款坐陳酒觴喜極仍自疑兵
戈正紛攘人生無羽翮何以逾津梁嚙指驗所經恐為
覆蕉隍雞鳴聲喈喈惆悵身在床山川限吳越依舊天
一方輾轉久不寐鬱紆祇自傷披衣起待旦聊以成短
章

喜雨行

隨飛揚去來本無跡暫寓無何鄉情深自難已攬衣涕
泗滂

答自便叟薄酒篇倣東坡體

薄薄酒味可求醜醜婦願可酬薄酒有妙理醜婦無嬌羞
酒薄亦足澆我愁醜婦可以與之俱白頭平原督郵勝
青州黑崑崙曾配冕旒嘗言旨酒亡國哲婦傾城二者
豈足為身謀醴酒如渑糟作丘銀鬕翠杓黃金舟婪酣
大肚飲一石不能為君銷國憂何如田父共泥飲醉後

寄哀情

外舅實天邁神采冰玉相明經擢巍科氣劇賈董場驛
騶自起詣鸞鳳必高翔轍環湖海間著述成數囊弟子
滿京國所至留餘芳曄也樗櫟材謬選膺東床提撕感
恩厚取別亦已長今夕復何夕漏永猶未央分明入我
夢言笑如平常載拜問所從面誨辭慨慷海天既無際
月色秋茫茫魂來波浪白魂去雲山蒼音容遽相失輾
轉何由忘天地一螺羸死生等行藏遊魂乃其變浩蕩

倒騎原上牛春山作曲眉秋水為明眸朝為行雲暮為
雨一身主家十二樓是為喪身之膏盲伐性之仇讐何
如荆釵布裙操杵臼深能方舟淺泳游笑彼紛紛冠沐
猴眼前富貴何異水上之浮漚小年難語大年蟪蛄不
知春秋吾儕薄酒任薄醉即休醜婦任醜順即休

題南山獻壽圖

將軍落筆怪且雄能畫嵯峨率律萬仞之奇峯糝糊猶
含太古色慘澹頗帶清秋容儼如蓬萊三山翠且重又

如廬山五老削出金芙蓉千盤萬轉不可測恍惚雲氣
隨飛龍下有槃潏之流泉上有偃蹇之長松松根羽人
顏色好抱膝盤陀事幽討云是南極天邊之壽星遨遊
先天後天老被以青霞裘蔭以白羽葆龜游綠沼沉滄
波鹿放蒼崖食瑤草有鶴有鶴飛鳴雪衣丹頂隨風輕
兩鶴飄然入紫清一鶴獨立和以簫韶聲手招馭青童
載以白玉笙上朝三十六帝京五雲仙樂來相迎玉女
投壺其聲錚錚白兔擣藥使人長生胡君欣得之喜氣

何盈盈是時七月天氣涼君來飲我黃金觥酒酣載拜
求我歌須臾落筆雷霆轟五岳為之動三江為之傾此
圖足為仁者壽題以南山獻壽之佳名胡君胡君宜愛
惜我歌歌罷千金直挂向高堂雪色壁夜夜虹光射天
赤

哀錢塘

妖兵七月犯錢塘百萬吾民總可傷白壁黃金隨虎豹
青娥紅頰伴豺狼交遊半是泉臺客城郭今為瓦礫場

休向吳山高處望滿前骸骨白如霜

登城一首

戊戌前作

春來懶上最高城一望令人百感生
山岳無如今日碎河流不似舊時清
青年士子多投筆白首鄉民屢避兵
休向東風歌此曲野花啼鳥亦傷情

懷楊廉夫

鐵崖先生天下奇雄文險句關蛟螭
侏儒紛紛飽欲死草玄亭上髻如絲

懷汪以敬

白雲菴中雲滿窓日日論文空酒缸絕塵天驥能敵萬
照水山雞不作雙

懷智雪舟

西馬騰西智上人平生老句不無神少陵已許師前輩
無已還甘作後塵

懷鄭本初

越王城中汎棹過紫菱白藕興偏多別後風塵不相見

五年江海失陰何

懷魏德剛

東青門頭有惠連
五載不見夢相牽
得歸茅屋對秋雨
與子細說遠遊篇

冬日

冬日苦短不可說
況迺朔風吹倒人
鄰童折屐走相報
江上無數梅條新

冬夜

冬夜恰似夏日長
懊惱無睡難禁當
走尋梅花作詩伴
放取明月照室床

中秋同唐仲遲玩月二絕句

故人乘興夜相過
正為中秋月色多
綠酒傾來拚着醉
要題詩句贈嫦娥

八月十五是中秋
月色娟娟似水流
却憶湖州船子唱
幾人歡樂幾人愁

題唐仲遲南塘圖

西風古樹挂寒藤，遠近諸峯翠且層。
却憶賀家湖上路，一灣暗綠拗漁罾。

題畫二絕句

紫翠縈紆千萬重，僧歸日午始聞鐘。
若非越上雲門寺，定是廬山五老峯。

老翁居處不勝幽，無數青山在屋頭。
客至便分雲半席，坐看落日大江流。

戲題淵明圖

詩滿霞牋酒滿瓢
黃花香裏興飄飄
如今仕宦皆因米
誰似先生嬾折腰

訪戴

雪月流光射客衣
雪風吹浪打船扉
故人溪上茆茨遠
乘興何如興盡歸

日鑄墜壁嶺

兩嶺相望四十里
十五年前曾此遊
野花依舊自春色
行路幾人成白頭

過渡

三十六渡春水深蒲萄綠漲愁人心
行人且休脫布勝
桃樹頭上雙鳥吟

泊練祈塘

枕上春寒酒未醒
小舟還此泊蘆汀
雨聲欲趁夜船到
一夜東風吹塔鈴

題畫梅二絕句

江梅信是丈人行
老幹能開白玉花
笑殺天台桃幾樹

不分清俗要相誇

梅花三昧是華光復有徐生遠擅場遮莫高樓夜吹笛
玉奴自有返魂香

山水畫扇

溪上寒雲落日虛青山繞屋樹扶疎抱琴高士紛紛出
從此林泉少隱居

煮豈酌白酒歌

戊戌前作

煮豈酌白酒豈肥酒氣溫相對二三子其樂難具論君

不見曉來雨過東家村叢叢豈英生離根阿翁提籃跣
雙足採摘採摘呼諸孫歸來笑指老瓦盆酒波猶帶新
糟渾田家酒具如窪尊一碗入口春無痕兩碗三碗鯨
濤奔四碗五碗和江吞須臾飲至百十碗眼花耳熱低
乾坤憶昨豺虎如雲屯旌旗滿目烟塵昏殺人如麻血
成海十室九家無一存大臣自合死社稷况叨厚祿承
君恩近聞省府日筵宴椎牛宰馬齊崑崙吾徒布衣在
草野憂心惻惻懷至尊嗚呼蕭艾滿城邑馨香不數蘭

與蓀呼童煮荳復進酒呼兒為我關柴門

正月辭

雪消樓瓦鴛鴦暖太液池香翠波滿春愁如織鶯未知
新染鶯黃柳絲短美人纖手畫雙蛾繡簾捲得春風多
春風開紅又開紫却怕青年逐流水

二月辭

玉為鞍龍為馬遊陽春錦城下水晶盤中鳳凰炙蒲萄
綠酒銀壺瀉萬卉千花舞繡衣笑殺提籃採桑者

三月辭

東園雨紅花亂飛繡簾半捲燕雙歸并州剪刀快如水
茜蘿新樣裁春衣十二巫山盡神女屏風照見芳心苦
宮辭裁罷酒微醺自向金籠教鸚鵡

四月辭

花落長門草青處十二闌干撲飛絮象床玉手印腮紅
隔夢一聲啼綠樹笑將金彈打流鶯誰遣芳菲被春誤
鳳釵不整雙鬟霧爽風新扇題紈素

五月辭

石榴花開紅染裙綠羅袖捲芭蕉紋睡回金獸沉煙薰
玉笙吹下雲中君果壓冰盤水晶碎蔗漿似酒甜難醉
猶嫌命薄蜻蜓翅不及桑鳩動成對

六月辭

銀塘花發紅雲滿南風吹香徧宮館舞衣上繡雙鴛鴦
綠珠小娘捧冰碗簾紋細織湘波寒碧紗如烟作帳寬
水晶簾垂體生粟不識人間有三伏

七月辭

南方赤帝騎龍尾
啾啾夜渡銀河水
露濕火雲飛不起
碧色凝天薄如紙
鳳管參差裁短玉
別夢乳乳冷秋燭
金井闌西一葉風
吹盡湘妃髻邊綠

八月辭

鯉魚吹長風曲池
芙蓉老白天墜涼
露濕螢滿衰草蘭
房燈燼青獨宿
知秋早碧波弄明月
自惜顏色好起按
鴛鴦絃酸聲攪懷抱

九月辭

畫闌十二凭西風芙蓉照波霜影紅微寒夜侵紫半臂
寶帳流蘓篆烟細月明天上來羊車千門竹葉生鹽花
挑燈自看班姬傳甘作團團秋後扇

十月辭

美人坐處生陽春芙蓉牡丹聯綉裯沉香火暖然烏銀
暖光吼出紅麒麟膽瓶滿貯波寒綠小挿疎梅半梢玉
蓮葉漏沉猶未眠翠被薰烟惹蘭馥

金史卷一百一十五
十一月辭

別館瑤雲曙光冷飛霜落盡宮槐影何人吹動玉參差
春透香幃夢初醒龜甲屏風圍象床吳綾越羅堆滿箱
拈針欲繡雙鴛鴦又恐新愁隨線長

十二月辭

并刀碎剪銀潢水散作飛花半空裏清晨貧女方拾薪
寒裂肌膚愁欲死翠衾宿酒人未醒蔗漿調雪消餘醒
却呼小玉開瓊戶石闌干畔裝鹽虎

閏月辭

望舒推輪出蟾闕三歲清光多一月露濕瓊樓秋氣寒
鏡裏嫦娥生白髮桂高十丈香風滿愁來退作黃楊短
樹厄何如人最多熒熒別淚成銀河

愁

戊戌前作

烽火連天黑旌旗照地紅秋風破茅屋愁殺杜陵翁

小畫

雨林含清風羣峯翠如洗野猿啼一聲白雲在秋水

學圃齋襍詠五首

浙浙風生砌
沄沄水滿塘
藕根穿土濶
茭葉過人長
野竹編籬細
山泉灌圃渾
碧瓜方布子
紫芋更添孫
朽壤蟲偏蝕
枯藜螳倒行
姜生黃菌蠢
茄熟紫膨脗
枉渚雨晴後
慢坡風暖初
雁頭收芡實
魚子剥棧櫚
對客蒸壺爛
呼童剪韭頻
何如鄭公儉
不讓庾郎貧

晚聞雨聲至有作

雨聲來處冷
蕭蕭萬木無
風亦動搖恰
似西陵船乍泊

坐聽八月淞江潮

越中燈夕

浙西骸骨白如銀
日莫江東起戰塵
獨有此城三五夜
風光渾似太平民

鷗夢

雪羽眠來近釣舟
幾番魂逐海翁遊
夜深遮莫風吹醒
依舊江湖萬頃秋

逃難

四郊日多壘勞生信乾坤朝來有警急鐵騎如雲屯
子心實憂焉能守荒村呼兒戒行李一飯同出門路逢
逃難人紛紛亦來奔或扶命與娘或挈子與孫十步九
顛躓欲哭聲復吞問道徃方岵前後相逐喧牛羊亦隨
逐飛橋為之翻我行已岩頂我僕猶岩根唇乾吻亦燥
何處濁酒尊茲岩既云險况有靈祠存棲遲且茆屋生
理安得論俯視西北隅殺氣猶昏昏

今日無酒

今日無酒何以寫心兒迎我言囊有餘金願言沽之展
席長林壺觴既行其樂駸駸頽然既醉載歌載吟掇彼
黃花絃我素琴陶潛既遠孰為知音忽忽歲月茫茫古
今乾坤遽廬江海蹄涔知道者希勞勞匪任木鷲竹鵲
般翟機深忘憂之子實予所欽

次韵李斯文及與予將仲啟劉九德會於楊仲
章家

溪上留連景物春天涯牢落宦遊人金尊綠酒那辭醉

朱綬銀魚嬾挂身
楊子法言應有法
李侯佳句不無神
相逢況是桃源侶
此去同為竹邇鄰

和章仲弘梅花燈詩

玉奴檠燭座添春
索笑題詩覺有神
冰樹生花何太喜
銀槎犯斗宛如真
香涵和靖祠前月
光射羅浮夢裏人
誰羨繁華五侯宅
金蓮開遍軟紅塵

梅花

到處梅花照眼新
縱橫變態似傷春
冰霜節操元非俗

鐵石心腸亦可親縱使六花多一出也先百卉幾分春
海棠雖美終難倡誰使明皇比太真

胡生寫真歌

戊戌後作

天下幾人能寫真胡生年妙藝絕倫自云慣識卿與相
炳炳生面圖麒麟青鞋布襪春雨餘竭來訪我南湖濱
手中銀管握造化與予拂拭霜藤新我生本有山水癖
形容瀟灑無纖塵頭戴小小烏角巾白衣寬博穩稱身
松齋渠几坐清晝意匠經營多苦辛是時賓客如堵墻

金少府集卷之三
眼看胡生下筆親斯須置我雪色壁望之宛若神仙人
我兒見之亦大笑阿爺胡為能出神或言士者國之寶
衮衮皆充觀國賓先生才學世所重曷不秉笏朝丹宸
我生出處無不可白鷗萬里誰能馴不作甯戚悲飯牛
不作買臣行負薪今年年纔四十六居然抱道安吾貧
得君能談帝王畧避世或與漁樵鄰南遊天台北恒岳
東登日觀西峨岷乾坤隨處着杖履此地相逢難具陳
山中亦有似拳巖江上亦有如絲蓴江風蕭蕭日月白

與爾長歌歌隱淪胡生胡生且停手玉壺共醉松花春
寫真何如嗜經史五車力學須昏晨他年生為席上珍
勿云江漢之垂綸

黃楊冠歌酬洪子宜見惠

有樹有樹名黃楊膏沐雨露何蒼蒼平生雖遭厄閨苦
年深乃復知材良其材中冠冕其質如圭璋奴桑隸柘
超衆木居然正色含中央紫鑰之刀截鸞肪紛紛金屑
隨風揚中剗外雕奪天巧意匠經營鄒魯鄉斯須一笑

出古制晶瑩滑澤見未嘗蒼蠅側足不敢立彈來照手
蠟色光進賢惠文空自貴鹿皮椰子安可方洪君得之
遠遺我束我頭上半白之秋霜小冠子夏俱二寸俗樣
岌岌徒軒昂有時醉後或嬾著掛在清溪石上萬古之
松傍洪君求我歌歌罷喜我狂烏紗小巾宛相稱丹崖
翠壑同徜徉

冬夜與池文仲聯句

別懷固云遽會面安可數幸茲東來睽

李

際此險盡剥

陽枝碩果抽

池

火井寒烟薄玄雲鬱崢嶸

李

清湍凝澗

潏跳鱗集罟煦

池

歸鳥爭巢啄牕梅移冰爾

李

簷簷漱

風葯縮蟄歌女喑

池

覆氍飛奴轂彤輝斂鳥翅

李

白杓

起龍角晷短晝當惜

池

更長宵可樂檀風挾颼颼

李

篝

燈閃微邈門闔蟾逗光

池

筆駛兔騰握餘酣漱苦薺

李

晚飧飫香穀舒盤黎榼具

池

下筋肴蔬駁薪噓紅麒麟

李

衣聚彩鸞鸞炒炒銅釭溫

池

漱漱覓覓濁再酌再酖

醕

李

一詠一起卓鬣鬆髮寒立

池

燭艷顏丹渥胸吞九

雲夢

李

氣高幾衡岳吟波思淼

池

行逕踪華確諸險

刮鬼窟

李

搜奇捉妖樸曹劉顛且僵

池

陰何仆而踔敲

憂故鏗鏗

李

洗刷增習習憶昨赴徵書

池

同年抱經學

星言戒迢遞

李

雨卧慙齷齪忽爾展京遊

池

居然擬朝

擢才堪百鍊金

李

價重三獻璞予甘返牛衣

池

我忝居

虎幄出處調既殊

李

別離手頻搦歸山歎孤陋

池

阻壤

懷磨琢賜還主恩重

李

叙舊交情慙促席話款款

池

舉

家欣嗃嗃雞黍盟不渝

李

鳧羹禮尤朴今知昔乃非

池

動遠靜方覺羅縷極道妙李縱橫踰獵較意行懽已填

池句偶巧非斷連衾願遲曙李分袂成孤爆耳空警噤

噤池心迴來咿喔肩輿兀殘夢李手杖橫短獨良晤闔

前期池塵襟藉深濯重來覓筠泉又見更賞朔李

王子約雙鉤竹歌

王君金華人畫竹誇當代此竹乃是鉤勒之所為坐上
千人萬人愛令祖藍田王右丞盛唐詩格稱其能將詩
變竹寄餘趣傳與衣冠不乏千載之雲初王君為人清

拔俗興來踏遍貧簷谷籠鐘桃枝紛入眼聊豐芭葉常
經目往來曾見吳門道士張溪雲歸晚軒中事幽獨有
時不作山水圖戲拈銀毫書此竹王君筆法乃過之翠
篠雙鉤出林麓耳根但覺風泠泠比似張生但神速王
君寫竹能寫形真成標格非冥冥脩然獨立太素始脫
畧粉墨辭丹青或如金錯刀或如鐵鉤鎖或如折戟沉
吳沙或如碎壁逃秦火或如銀旂寶勝之飄颻或若金
節羽衣之婀娜或如滄江風曳之水衣或如黃河半解不

解之冰漸或如白鳳尾或如蒼龍聚錢刀剪碎波心月
丹汞煉就爐中雪初疑荆軻圖窮見匕首又驚毛遂穎
脫呈錐末天機逞其妙形狀何駢闐後生學子競觀看
但悟書法如針懸唐時亦有蕭協律所至清風起蕭瑟
眼昏手顫藝轉工一十五葉稱絕筆宋時亦有文湖州
畫竹人推第一流能令萬籟起崖谷出牆之梢為最優
東坡作竹短而積別試瑰奇在林僻玉堂多暇圖一枝
復有小坡能畫石前元作者李仲賓琅玕卓立無纖塵

薊丘家世不易得父子相傳俱絕倫吳興學士趙公子
飛白之石誰能比水晶宮中春日長移得藍枝落窓几
後來又有柯丹丘大葉長梢動冕旒天顏有喜頻賜予
晚節衰颯江湖秋諸公畫竹工畫影隔簾彷彿瀟湘景
風景虛無終渺茫野迴漠漠烟光暝鈎勒寫形纔逼真
宛如高閣圖麒麟褒公鄂公毛髮動儼然生面開功臣
我欲題詩寄淇澳瞻彼漣漪散晴綠底為猗猗興不忘
有斐君子勞心曲我欲鼓枻遊瀟湘碧雲萬頃浮天光

美人娟娟隔秋水欲來不來空斷腸我欲從獵誇雲夢
萬騎紛紜翠旌送胷中八九吞不辭文章要比相如重
我欲富如千戶侯家居渭川之上遊玉版鄰人許同喫
始知熊掌非珍羞我欲乘風發長嘯扁舟直過湘妃廟
中流鼓瑟聲鏗鏘和取湖南竹枝調何如曩昔行李遊
京都故人為我共作翠竹紅梅圖原父寫梅君畫竹價
重已壓青珊瑚挂在成均之左廡交遊軒冕觀如堵須
臾盡作王子猷六月清風生肺腑天上歸來十二年柴

金史四八卷
扉草閣荒山田浮花浪藥紛過眼此君風節還依然王
君王君聽我語我歌長歌君起舞耶筒酤酒滿眼酤與
君歌盡幽篁譜或栽長竿橫斗高下拂東海之波濤巨
絲一鈎連六鰲任公見之顏色勞或招歲隄鳳凰宿陰
陽各應雌雄六伶倫製律工有餘一聲吹裂崑崙玉或
作仙人手中杖此日携來葛陂上見水猶能化作龍錚
然飛入桃花浪或充奉使手中節節旌落盡竿難折卧
起操持十九年誰謂虛心却如鐵鄉來陳者皆此君與

人一生成異勲殺青汗簡更殊絕蚪蚪篆籀皆人文此
君由來材不器用舍行藏隨所至願得歲寒同此心故
託霜毫寫君意花溪水接雙溪長與君百里遙相望不
如坐君西郊之草堂胃中一吐千畝強歛坑舊硯脩而
蒼鷺溪素練雪色光風情老嫩任君寫無使古人專擅
場吁嗟無使古人專擅場

言懷 二首

夜短苦日長齋居避煩暑青山在屋上流水在堂下好

鳥依高枝潛魚集深渚以茲悟天性至樂乃其所悠然
對書帙發軔自太古素心契羲軒餘事及鄒魯所以賢
達人白首不出戶

清晨事園圃白髮猶未梳引泉灌菰韭趣此春雨餘
孫年七齡不識詩與書但能助採摘來徃供勤渠阿翁
慣蔬食自謂九鼎如所以甘短褐不願乘高車汝身如
翁長與翁同荷鋤

題耕牧圖

春田雨餘春水綠烏犍背立雙鸛鵒有叟有叟相追逐
手把鉏犂繞江曲初疑龐公之壘又似子真之谷子孫
全家骨肉聚身世百年生計足噫彼利祿不入於心兮
所以無榮亦無辱

應用中稅副攝麻城縣擒賊有功為賦長律十
韻

麻姑城在萬山陰念爾為官亦苦心百里花封勞暫攝
六安草寇擬相侵風寒豺虎嗥青嶂月黑鴟梟聚綠林

纔閃旌旗誰與抗不鳴鐘鼓遂成擒
司征乃解陳俘馘乘遽爭誇獻捷音
虎拜凝瞻雙闕近龍顏喜動九重深
大官奉命來珍饈內使傳恩出賜金
香染錦衣歸里閭詩題彩筆動朝簪
魯連功就宜辭賞莊舄榮來且自吟
我老門生能報國百壺沽酒樂難任

蒼巖畫龍贊

目如電氣如虹怒翻霹靂駕倒捲天河空
伊誰之筆蒼岩翁起作霖雨其猶龍

題魚圖

江飈颯起聲蓬蓬白浪晝翻河伯宮羣魚出沒玻璃中
揚鬚掉尾各有容大魚雪沫噓晴空小魚戢戢如蠶鼓
中有一魚健且雄丹砂作尾雙眼紅揮霍咫尺風雲從
近前驚倒濠梁翁回頭爾輩皆凡庸變化已作龍門龍
題陳國光拙齋

濂溪先生作拙賦草閣道人作拙詩已無巧語為君贈
謾對幽齋勞我思犧牲文繡鼎俎用樗材擁腫斤斧遺

金史四
濁醪麤飯且安分
高車駟馬將何之

次韻義門鄭仲辨所寄梅花詩

山礬水仙兄弟行
只有梅花獨清放
去年擬作西山遊
苦為耽詩抱微恙
今年拄杖敲岩扃
恍如羅浮夢初醒
幽姿臨風粉蝶妬
長梢落雪青鸞驚
西湖別來花幾度
和靖祠前不知數
月出未出天昏黃
悄如坐我孤山路
却憶斷橋流水東
衝寒臘酒盛郛筒
只今想像風塵際
縞裙練帨情無窮
起舞花前為君壽
江南一枝春信通

分明白絹來斜封珍辭麗筆光炯炯疎枝冷蕊春重重
夜來積雪三尺厚繞樹高歌連星斗詩懷笑我清如花
歸興為誰濃似酒漫山桃李生春愁孤芳狼籍無人收
安得揚州見何遜為花一洗千年羞

長歌贈鄭月岩

戊戌後作傲太白體

我聞蓬萊山乃在碧海之東邊金銀樓臺耀日月丹崖
翠壑往往相鈎連中有仙人長年不知老却是當時
鄭子真歸耕得仙道牽牛飲銀河披烟種瑶草瑶草一

金史卷一百一十五
碧三千秋飄然汗漫人間遊乘風倒着綠綺裘吹笙鶴
背遊浮丘追浮丘紫雲中吳吳雙瞳方顏色桃花紅手
揮銀管談造化六十甲子羅心胷東看日觀金烏赤西
上峨眉雪山白王侯見之倒履迎平生慣識青雲客我
是謫仙之後人閑來垂釣花溪濱時危落落不得意空
有詩篇驚鬼神鄭君從何來談笑情相親坐爾松下石
挂爾頭上巾古來賢達隱耕釣與君且醉松花春彈我
龍門七尺之綠桐荐我金盤雙尾之紫鱗酒酣拂袖為

起舞眼底功名君莫語自許吾身有仙骨富貴浮雲安
足數鄭君去兮何如還飛鴻冥冥不可攀送君大道秋
風間更呼醪酒澆君顏

喜雨歌

酌爾清酒揚吾浩歌對此好雨不樂云何九州連日愁
羲和六龍之駕成蹉跎羣鳥捩翅如金鷺啞啞飛啄扶
桑柯口噴紅光沸銀河尾梢黃壤焦青禾磬磬赤子汗
流血欲上訴青天柰此九關虎豹高嵯峨高嵯峨杳難

訴無辜顙天上帝怒上帝怒騰天威誅旱魃鞭雲師長
風飄飄載雲旗雲為車風為馬官曹列如麻紛紛自天下
玄衣使者面如赭手把天瓢為傾瀉神功倏忽起混茫
徧澤地絡周天綱豐隆砰礧擊天鼓靈妃翕歛開電光
吹沙走石驚颯颯翻江倒海聲浪浪恍如雪湍飛流噴
呂梁又如瀑布倒挂廬山五老之峯旁跳珠濺玉猶未
歇高堂六月生秋涼心搖目斷何所見但見千頃萬頃
青青秧白雲生歌未已酒酣拂袖為誰起上朝紫皇虛

無裏披肝瀝胆叩丹陛昔聞羿射九日死大禹殺湍湮
洪水重瞳乘龍竟不還使我悵望凋朱顏願天開聰明
鑒予誠三十六帝流恩榮天上迢迢白玉京玉兔擣藥
使民生生秦階六符如砥之平甘露零朱草生聖人出
黃河清五日一風十日雨千秋萬歲垂鴻名

古風三首

秦坑灰未寒紛紛逐其鹿胡為隆準公高大更疾足信
越為干櫓良平廼心腹誅嬴既滅項浩歌大風曲鳥盡

良弓藏免死走狗戮偉哉赤松遊所志非辟穀

陳編撫遺事尚憂鷗夷翁摧吳破強敵霸粵成奇功功
成宜受賞輝赫凌烟虹烏喙不可共翩然駕孤蓬三江
水茫茫流譽誠無窮云胡載尤物竟與巫臣同

自從永元來閹監專天威桓靈遂其惡炎祚日已微三
君就奸及八俊幽闕扉泰蠭僅保身歷歷皆危機賢哲
既云亡邦國將焉依瞻烏止誰屋識者涕淚揮

喜錢塘歸附因思先隴

邊城昨夜羽書飛傳道臨安亦已歸魚鰲不驚隨土納
豺貅無敵見天威吳山東向晴雲起淞水西流落日微
欲掃松楸歸未得詩成喜極淚沾衣

落牙行

昔年左車第一牙居然脫落誠堪嗟今年又一齒欲落
未落如秋瓜又如洪河流泛此無根槎清晨歔噓忽在
地兩齧開豁何啻訝其餘未落者滿口皆齧齧乾肉不
敢決所虞飯有山田砂人生如此老醜露尚敢搖唇鼓

金史四庫全書
舌爭喧譁太官之羊既無分屠門大嚼從人誇但可朝
餐地爐所煨之紫芋莫飲瓦甕所釀之松花我不願范
睢捫齒作秦相我不願張蒼食乳如魚吐願如昌黎口
存十三齒文章千百傳英華

朱留耕間雲山隱圖

青山在屋上白雲在山椒中有一羽人如鶴不可招手
揮綠綺琴和以紫玉簫山風落松花清興何飄飄塵居
隔滄海思君五情遙願言從之遊飛佩以逍遙

題友人聽雨詩卷

青草池邊夢未成
紫荊花下興還清
一家兄弟如聯壁
愛聽西牕夜雨聲

梅花絕句九首

南岸北岸花正開
欲盡不盡暗香來
相將頭白被春惱
一日繞樹百千迴

歲暮不歸衣滿塵
梅花正爾欺得人
欲憑詩句索花笑
開甕恰有羅浮春

學士港邊移棹過千樹萬樹得春多人生對酒須縱飲
奈此縞衣風韻何

寒花照衣冬雪晴半含半折可怜生西馬塍西對茅屋
竹間一樹最分明

不是愛梅頻賦詩出塵標格少人知來蜂去蝶應無數
偷眼幽禽却為誰

聞道朝來開滿林孤山無復見幽心即將雪色如雙鬢
拄杖衝寒細細吟

孤山山南湖水西花藥箇箇疊枝低別來江海若憐汝
那得春風生杖藜

寒月欲出照昏黃疎花密花枝盡香東鄰臘酒味堪飲
無錢賒取答春光

忍凍騎驢早得春尋香索句不無神直將風格和花老
肯與林逋作後塵

覽鏡圖傲長吉體

天孫不織紅霞綺雪袂臨風吹欲起嬌鬟笑展水晶奩

照見芳姿淨如洗銀刀細剪梨花雲瓊枝倒映瑤池水
蛾眉翠歛春山濃愁多惱得腰肢慵夜冷孤樓素鸞影
廣寒宮闕秋重重青女笑霜刮天濕只愁凋損嫦娥容
畫闌桂樹香風草對面團圓思月老願憑青鳥報夫君
失時不嫁能長好

雙麗圖

玉闌圍着看花王銀燭燒來照海棠如向美人圖上論
不知若箇是專房

次何贊府遊壽山詩韻

我昔手持綠玉杖，徧觀壽山寺外峯。律之奇峯天風吹，
我衣雲烝盪我眉峯。形峙為五烟霞有路遙相通，橫秋
雙澗橋影枕寒潭。空上有欲落不落之怪石，下有半枯
半活之歌松。一峯凌紫霄，曙色何瞳矐。金雞喚醒海底
日，絕頂尚有蒼涼蹤。一峯翠氤氲，恍如武陵之景迷。西
東山泉春雨餘，流出桃花紅。在右一峯若覆釜，氣蒸雲
霧秀所鍾。西看瀑泉吼飛雪，乃有一峯迥出倒挂虹影。

於晴穹一峯後顧復何似
屬巖巖若蟠蛟龍輸青獻翠
千萬狀並視培塿誇豪雄
香爐紫烟遠莫致廬山謾詫
金芙蓉伊昔當年紫陽翁
二三賢俊題名同嗟予寥落
生苦晚不得追陪杖履遊
其中堯率臺高花雨濛金仙
跌坐青蓮宮何當復約哦
松公靈岩石室幽絕處笑揮
白玉麈尾盡日相過從

桂月軒歌

何侯之軒萃瀟爽軒前桂樹團團長正當八月天氣清

置酒邀賓恣驩賞是時碧落無纖埃瓊樓玉宇中天開
爛銀盤升滄海上清光閃爍俄飛來何君手把春秋傳
布衣直上清虛殿折取秋風第一枝分明認得嫦娥面
嫦娥賜以玉兔之玄霜下醫民瘼令安康花溪邑險號
難治君獨有暇哦松旁回首番禺幾千里道路茫茫隔
烟水涼風蕭蕭露泥泥幾度天香落軒几桂香可挹不
可親只有明月能隨人他鄉月是故鄉月舉頭見月偏
傷神我嘗想像君家樹為君起舞歌長句好因明月歸去

來底用淮南小山賦

瑞雪歌

與李永康

花溪地偏多酷熱十載已來無此雪遂令禾稼成焦枯
復有蟲虫食根節李侯坐鼓春風琴雪花獻瑞隨人心
玄冥剪水成六出翻江倒海驅羣陰遠山近山銀壁立
大樹小樹瑤雲集平地俄驚一尺餘薄暮紛紛飛轉急
空山徹夜狐狸號狡兔三窟安能逃乾坤肅殺回正氣
蚤覺眼界明秋毫田夫農父愁顏破典衣沽酒更相賀

來歲還書大有年鼓腹嬉遊免饑餓當年田里無咨嗟
漢二千石何須誇縣庭豈用事鞭朴租賦容易供王家
泰和乃由天子聖玉燭精調順時令百司効職宜愈勤
從今屢見休祥應

孝節堂歌

繡川朱家孝節堂經營乃在雙峯旁堂上種萱紅且芳
堂前種竹琅玕長有婦有婦清且揚升堂何以娛姑璋
晨昏定省禮數將采蘋南澗供蒸嘗一從覽鏡傷孤凰

金史卷八十三
淒其無復施紅粧羅幃獨處四十霜年逾八十雙瞳方
屢嗔人扶筋力强鳩形拄杖莓苔荒諸孤再拜謝阿娘
提孩保養恩難忘當年稱壽綺席張玉杯滿捧丹霞漿
蟠桃花開濃露灑斑衣五彩春風香乃知作善天降祥
期頤之筭那可量男讀詩書女蠶桑眼看玉立孫成行
伊昔比屋封虞唐人生孝節俱尋常後來風靡頽三綱
遂令有國旌其孀清德里中松柏蒼行人過者拱不翔
滌筆為裁雲錦章

題呂用實詩藁

戊戌後作

玉樓仙人魂不死帝遣乘龍下箕尾黃金鑲甲翡翠旗
前驅蛇神後牛鬼劍光照空天自立珠璣迸淚鮫人泣
銀河夜漏流銀汁織女秋寒錦機濕女媧鍊成栗色雲
青天補作玻璃痕雲妃大笑電光發金雞叫醒扶桑暎
妖星忽墮珊瑚枕髑髏作杯勸君飲瑤池桃花千歲紅
染得春風古囊錦呂仙兩髻黑如鴉慣隨鶴侶餐胡麻
金鷲入鼎煨仙骨崑崙頂上牽河車下聽羣蛙聞簫鼓

玉殿瓊樓隔風雨十二門高花滿烟夜半秦王獨騎虎

草閣拾遺

欽定四庫全書

草閣文集

元 李昱 撰

雜著

白澤賦

桓山之陽溟海之北粵有神獸名為白澤麋角而鼇趾
龍身而虎額牙參差而礪銳目閃爍而洞射百獸逢之
駭膽慄魄此形容其彷彿者也若其鬣搖虹光鬚髯飄
揚色凝藍澱瑩滑熒煌其吼也雷震其行也風翔赫然

而怒則萬牛不能抗其力三軍不能奪其強及夫雄姿
改觀觀者流汗氣噴虹蜺燄燭星漢匪虞人之可固焉
嗇夫之能圜伊昔聖皇公孫軒轅從風后與力牧來五
彩之雲輶斯獸也遇於虛無之野馴於道德之垣效麒
麟而獻瑞似角端之能言知鬼神之情狀窮萬物之根
源皇覽曰噫異哉斯獸鄉非爾之通神繫嘉謨其孰究
乃命厥工繪其形走列缺驅風霆擲猛火鋸流鈴咋海
怪吞山精百邪遁無留停然後降五福於民間共休享

於和平也祝曰

猩猩有言罔裨治兮維爾獸名神且異兮玄機從橫挾其秘兮乃圖爾形揚爾之技兮辟邪降禧以惠於世兮

識字耕夫傳

戊戌前作

識字耕夫者不知其姓氏亦不詳其何代人也嘗屈草閣讀書作為文章凡若干言動法古人雅不欲為今人語由是弟子多服從之壹與之接者不謀而固咸曰此高識之士也然性嗜稼穡所居之東偏有田一區日與

金史卷八十二
鄰翁野叟相追逐扶簡編躬耒耜之勞誦而耕耕而息
熙熙乎若葛天氏之民也或勸之仕耕夫掩卷而作輒
不應又有重其學者默薦之於官執政者不悅曰當今
之務奚用識字者為哉彼耕夫也詎知稼穡之艱難哉
豈若吾沈默無知取勲爵豐衣食以為妻子計哉或為
耕夫憤者曰彼猶鴟鵂赫腐鼠於雞雛者也耕夫聞之乃
洗耳而去更以筆耕之業游江湖與大明吉先為經學
友博通叟為史友載道先生為文友錦官大雅翁為詩

友桐城希聲子微為琴友醉鄉居士為酒友空空上人
玄玄子為方外友相與講論道理宣達情性上下古今
汪洋乎莫知所終先是耕夫嘗有東作詩一章曰陟彼
高原稼穡如雲載耕載誦四體孔勤維此東作無施不
穫知德者希孰同予樂後凡遇賓友宴集酒酣慷慨必
擊缶歌之以為常云

太史公曰世之治也則君子以類而進否則肥遯而已
矣彼耕者雖輕身肆志不屑屑於世用然德足以周於

身才足以濟於時其過於沮溺之倫遠矣

屏詩神文

李先生嗜作詩積年久矣悵然有不釋於懷者於是具
忝一盃載酒一壺斂容屏息端拱而趨三揖詩神而告
之曰神之於詩實司其柄我有瑣辭敢瀆神聽粵昔風
雅興善懲惡優柔敦厚匪媮以薄曹劉鮑謝陳宋陰何
神之所惠烜赫良多繼茲作者繽紛蝟毛狂瀾砥柱孰
障滔滔有雄者甫神實助之縱橫皇緯顛倒蛟螭上規

渾噩下拯澆漓度越千古允為我師我藉神休舉不違
杜分明町畦巍立門戶幽玄深鉤英華潛咀脫凡入聖
遺賓求主衆皆諾諾我獨諤諤攘袂切齒怨誹交作儼
儼學子求竊糠粃敝帚千金輒謂無比涼涼士流謫詭
強屈陰攘其語以為己出或睽其實止徇其名矇瞍五
彩瘖聾九成理怪之談古雅之文素所研覆窮朝及曛
自業於詩為其所蔽識小忘大舉一遺二是則詩之無
益於人也神其醉飽速離此鄉投筆破硯以趨神行言

既淵居潛處投隙以覘但聞啾啾啁啁嘒嘒嚶嚶不覩
其像彷彿其聲曰子誣予哉余與子游三十餘年動與
子俱靜與子專子躋宦途予偕子往馳妍騁俊攄靈競
爽援筆一揮光焰萬丈名公碩卿擊節嘆賞子罹窮厄
疇為子怜百藝盡卻我獨居先微馨少播聞者欣然賓
朋接踵弟子駢肩且子之詩固嚴格律臨文設奇變化
不一衰衣危冠黃鍾大呂雅雅魚魚子詩之古綠羅玄
熊雕虎驪龍桓桓糾糾子詩之雄翡翠琅玕珠璣錦繡

晶晶熒熒子詩之麗化腐為神倏忽翕歛海怪山妖囚
入詩窟即故為新爛斑璘璘幽花野草觸景生春以奇
為正以正為奇穰苴淮陰孰抗其威凡此數者深入詩
域雖子之能實我之力子宜勉以定其心益繩于古
靡售於今胡不自珍遽形愠喜周於責人畧於求己小
人螭螭毀譽紛激洗金以鹽攻玉以石世尚矜誇孰分
妍醜薰猶黝白繽紛雜揉使無侯芭太守醬瓿念子自
寬匿瑕容垢明良五子昭紀於書東山鵠鵠杖杜出車

聖賢製作貴於璫璣謂蔽子學胡示區區今因細務欲
棄大業我辭子行風馳電掣子亦有意於留乎先生於
是茫然撫膺怡然解顏抵掌嬉笑從容幽閒迺偃僕曲
躬易辭改色延之升堂永為上客

答宋明府四六啟

伏以作之君師聖王所以繼天而立極設為庠序古人
欲其美化而移風故虞夏商周之世以來而詩書禮樂
之教罔廢比屋有可封之俗當時無不教之民欽惟盛

朝聿興文治自辟雖而泮水鐘鼓鏘鏘由閭巷而鄉都
絃歌藹藹鄉多善士野無遺賢形諸棧樸之詩賡以臺
萊之句雖求之古奚異於今學霜鬢飄蕭樛材擁腫從
虎闌而歸老六十有餘瞻龍闕而報功萬分無一分甘
田野志在山林坐茂樹以濯清泉登高丘而望遠海右
車搖落方竊比於昌黎左臂偏枯兼有同於工部已自
棄於溝中之斷其何能為席上之珍茲承明府相公先
生豈弟如春清廉若水為民間之尹日應天上之郎星

下車以來彈琴而治雲興學校即前代之文翁子視人
民乃當今之卓茂猶且溫恭下士加之廣博求賢爰爰之
東帛來臨疊疊之華文下錫欲掄才以教子俾抗顏而
為師匪金鑄其所親兼玉成其他性調非流水敢惜聽
於鍾期才本駑駘誤見知於伯樂叨禮義之加異耻聲
聞之過情昔龐公不肯入州人稱其德澹臺未嘗至室
世以為賢欲行則多愧於古人不往則有辜於執事依
違未審進退惟艱於是不謀諸人自斷於已筆耕而謀

食即隴畝遺於子孫經綸以持身乃公事見於邑宰上
以宣九重日月之德誰曰不然下以和百里絃歌之聲
永為好也申酬罔罄兩鑒為榮

草閣文集

山勢高崢嶸青天魑魅嘯白晝豺狼行流惡邑里間所
至烽烟生永康屬邊徼相去無遠程跳踉恣威虐百里
皆震驚我翁奮高義下令募鄉兵手提龍泉劍寒光射
雲旌淊東憲府官遣使來相迎問君計安出要使巢穴
傾君言計已遂奉命尋前征麾兵與之戰桓桓誰敢爭
遂令括蒼地流血屍縱橫餘孽未盡除其勢復喧轟我
兵勢已孤力竭終難平壯志不少衰竟隕占田營吾昆
抱哀痛奉櫬歸佳城鯉溪山水佳泉香草豐榮溪水共

欽定四庫全書

筠谷詩集

永康胡元祚義士哀詩

人於天地間百歲聊寓形生當秉節義死用垂芳聲餘
子知愛身丈夫在成名胡君花溪秀家世乃簪纓少小
失其怙操持如老成胸藏白雪淨氣敵蒼山橫年強不
肯仕力學還躬耕忠義素所敦信重千鈞輕我雖不識
公得與賢嗣并為言丁酉歲世事多攙搶括蒼地險阻

贈韓進之先生

北斗文章絕世無先生秉筆繼前驅
幽懷愛菊臨軒種
老眼看山信杖扶

聖主豈容華髮隱野翁甘與白雲俱
夜來遙望雙溪上
明月梅花有幾株

訪胡伯弘仲源叔敬季祥

冬來卧病厭岑寂忽憶君家鴻雁行
出門晴日照巾屨
曳杖野路無冰霜相逢一笑且同樂
人生百年能幾狂

嗚咽山禽亦悲鳴義聲馳四方孰不傷中情祭酒措哀
辭翰林銘墓塋我詩何足徵焉敢溷時英感君涕泗言
聊用攄哀誠下以敦俗化上以規公卿要令千載後臣
子懷忠貞

壽胡伯弘母六十

翠鬢佳人捧壽筵歌聲為緩聽詩篇桃花初實三千歲
甲子新周六十年座上共尊陶母德機邊能教孟軻賢
諸郎總是青雲器擬錫金花下九天

休嗔剪燭夜酣坐別後與誰拈酒觴

之官三元縣寄懷胡伯弘昆仲

四望魁山路五千東軒松菊想依然尚懷伯仲開春甕
還與吾翁展壽筵白土溪梅纔舊臘黃金岸柳又新年
江南地比秦川暖為寫春懷寄客邊

寄賀家嚴誕日

春色新從柳上歸雲開南極夜增輝遙瞻蕙帳千年鶴
難近椿庭五色衣報主敢辭心力盡問安翻覺信音違

三年述職天恩大定放兒還慶古稀

次胡叔敬見過詩韻

綠樹柴門白屋開青鞋竹杖故人來百年高誼如君少
半日清談別我回沽酒家貧難取醉贈詩吟拙愧無才
遙知伯仲東軒下待子同斟壽母盃

掃墓有感寄東谷唐仲暹先生

去年寒食關西過今歲清明浙左歸
泛梗怕逢時改火掃松哀極淚沾衣
山花恨裏紅成陣暮草愁邊翠作圍

自怪春光相觸忤詩懷難與故人稀

至日感懷三絕

天上祥雲傍日飛紛紛五色似斑衣
老萊無處為兒戲
陟岵哀吟淚獨揮

山妻綉下舊鴛鴦今日愁隨萬線長
一去九泉空想像
梅花不作返魂香

陽氣初回尚閉關
松兒何處覓羊環
去年拜節嫌衣短
今日無由見汝顏

題永康貳令周復初草牕詩十韵

濂溪夫子是我師
霽月光風想見之
傑出賢孫懷祖訓
官居民宰際明時
雉馴虎服名堪敵
魚躍鳶飛道已推
公退小牕吟處穩
閒觀芳草靜中宜
萌芽不遣牛羊牧
朝夕須憑雨露滋
太極成圖還此意
陽春生物本無私
清光照眼何曾息
佳趣關心只自知
官舍寒烟青冉冉
鄉園晴日翠離離
萱情萬里思萊服
詩夢三更憶謝池
回首江山家第遠
且存斯道繼前為

胡君濟源家藏錢舜舉所畫俾予題之按山水
形勝人物草木凡圖中所具者莫不曲盡微妙
大率吳中佳處沉吟細玩若湖山之在目遂成
長律十八韵以寫懷鄉之意云

曾遊百粵徧三吳家住錢唐古帝都東對海門南禹穴
左連江塹右西湖潮生白馬聲徧壯山捲蒼龍勢不孤
渺渺舟航通絕島重重樓閣擁雲衢仙壇梵塔爭高下
野店山橋隔有無遠水粘天銀浩漫羣山拔地翠模糊

白沙細細眠鸕鶿綠樹陰陰叫鷓鴣目斷松蘿仍竹桂
人行楊柳又菰蒲雲埋劍氣忠臣廟春黯梅魂處士墟
內苑烟花成寂寞蘇堤鶯燕自懽娛牙橋錦纜開紅棹
翠管銀箏送玉壺歌女漫調金縷曲舞姬輕拂繡羅襦
繁華此地為吾里漂泊頻年在旅途人事世情雖反側
水光山色豈榮枯中宵欹枕牽歸夢今日憑軒按此圖
品藻自慚才力淺登臨誰說故鄉迂畫工堪比連城壁
詩拙難同照乘珠珍重聽泉樓上士相看此外更何須

輓徐德裕

丈人遺世已登仙，令子懷讎不共天。
豈但男兒能事畢，益令吾黨孝心專。
魂隨故國秋雲返，影伴長江夜月懸。
此日交游歌薤露，臨風揮淚獨淒然。

輓池仁卿

皓首飛眉九十春，鄉中耆舊已無人。
玉盃獻壽誰同甲，丹旆傷心歲在辰。
商谷此時難覓綺，漢廷何處更迎巾。
家聲喜有賢孫繼，聽我哀思淚滿巾。

雨晴二首

松日照人春雨收杖藜徐步橋東頭桃花夾岸似霞染
雲氣出山如水流身高仰羨不下鶴眼明忽見雙飛鷗
紆朱拖紫廼餘事得及吾儂心跡幽

東疇西疇流水聲南山北山日色明溪童釣魚嬾復坐
田父教牛初學耕新綠全經宿露濕落紅亂點春風輕
吟邊野興有如此安用悠悠身外名

端陽陳公明見招

佳節知君念友生
寒驢風雨自相迎
泰包金角行盤重
蒲泛銀絲出甕清
爛醉無愁忘是客
沉吟有興即關情
百年如此流光易
頭黑何時共立名

期徐孟璣不至

四月山庭過雨天
日長無事只高眠
夢隨池草生孤枕
風送南薰動五絃
流景豈容頭似漆
閒愁須付酒如泉
連朝頗怪徐高士
相約來尋竟杳然

秋夜雜興四首

山月明秋鏡林松響夜絃遠牆偏瑟瑟當戶只娟娟
鶴身難見蟾蜍影自懸不知吟坐久清興益蕭然

槎客何時到天河徹夜明風連箕畢動雲傍斗牛生
山鬼行猶泣江鴻過有聲愁邊聽不寐祇益異鄉情
搖落深秋景飄零遠客居芙蓉依水媚楊柳對門疎
為士須行學非農豈荷鋤無人上封禪却憶馬相如

聖代無為治蠻方譯獻通布衣空白屋朱紱滿金宮
城郭旌旗靜乾坤壁壘空時清恥無用獨獨嘆秋風

雨中

入春風雨閉書齋
青草穿泥欲上階
柳放長條遮醉眼
梅留殘蕊伴吟懷
舞干苗格聞虞舜
鍊石天成憶女媧
未有涓埃能報主
登臨容我著青鞵

題葉叔亨南溪畊隱

隱居求志隨所樂
不在漁樵即畊鑿
畊鑿能忘帝力深
漁樵不計生意薄
古人隱名還隱身
紛華盛麗如浮塵
尊居萬乘不可屈
子陵當年畊富春
今人名隱身不隱

與世驅馳日矛盾遂令餘子皆沾名莘野疇能繼伊尹
華溪忽見耕隱翁豁我磊落之吟胷韜光屏迹能謝俗
但與漁父心相同日長耕罷田頭坐正值香花吹雨過
遠村綠樹班鳩鳴近岸青莎黃犢卧大耕小耨工不虧
冰青燒土呼羣兒兒來不惰翁乃喜坐見禾黍秋離離
耕隱翁非徒稼穡由來種田兼種德種田必期倉廩豐
種德須當子孫獲偉哉公之上世業水心文章道德光
于今耳孫奕葉繼前美旌脫富貴歸山林我今趣裝趨

上國回首田園有愧色安得同耕隴
畝間駟馬高車復何益

徐節婦詩

座客且勿喧聽我貞節詩
永康有徐氏鄉黨誰似之上
世中山人作令留于茲子孫
能振耀家世承相規偉哉
仲芳氏玉樹珊瑚枝自幼失
其怙卓立超羣兒母氏淑
且賢春年絕朱絲雖無柏舟
作志與共姜追鸞鏡不復
對羅襦不復施芳容若難悴
每恨白日遲挑燈坐寒夜

顧影空嗟咨有時形夢寐長吁涕漣漣諸孤不識父笑母
心如痴諸孤既成人負笈令從師戒兒繼汝父無使他
人嗤孀居五十年哀慕同一時子欲報母德構堂花溪
湄溪水流有盡母德茫無涯堂陰樹護草花開春露滋
堂前種脩竹琅玕碧參差母坐堂中央彩彩斑衣隨載
拜獻母壽綠酒黃金卮母言母力強子憂母力衰子令
諸婦侍母怪人扶持一朝忽寢疾薄景馳崦嵫有孫名
伯維文采何歲穉母也亦如姑言之兩淒其二十失所

天終身抱餘悲年將六十歲閭閻人所儀泰山或可動
我志終難移我家貞德堂建此將奚為後人視前烈貞
德焉可虧我願登斯堂永與姑相期煌煌綉衣使玉節
臨東陲徐家兩節婦表奏聞丹墀竚見旌其門御墨光
淋漓遂令翰墨士紛然美文辭忠孝與節義乃為人秉
彛嗚呼唐虞遠歷代風陵夷衆羽惜鳳凰羣鱗羨蛟螭
風詩三百篇開卷陳闕睢賢哉徐節婦令聞千年垂清風播
寰宇豈獨鄉邦知

冬至前日侍父讌胡伯奇濟生堂

今年客裏逢長至客子題詩興亦長
天上五雲開瑞色人間六琯候新陽
梅花欲發春前樹竹葉頻傾醉後觴
記取斯文合簪處環溪溪上濟生堂

題朱氏時敬庵

獨松佳地不虛傳朱氏廬廡近水邊
一澗東流瑩玉練四山高起挿金蓮
陰遮結構修篁繞影落罍盃古樹圓
諸子登堂趨蟻折雙親卜宅喜牛眠
秋霜氣冷侵衣履

春露花濃挹豆籩鬱鬯降神方儼若君蒿感目倍淒然
慈顏不隔黃泉下愉色常存白髮前著敬不忘時十二
會同還習禮三千能將此道承先澤擬播餘風及後賢
況是君家敦古義濡毫何惜賦詩篇

秋興

牢落東南老樹邛蕭蕭木葉擁柴門秋聲萬里西風急
雲氣三更北斗昏鮑叔交情貧裏見張巡節義死中論
欲攀蟾桂非無路猶信仙桃別有源

憶昔自京至關中將四千里所歷古跡不能殫
記因閒居無事追賦律詩凡十首目之曰憶
晉以洩曩日之思云

四月南風驛路長汴梁河底樹蒼蒼牙檣錦纜傷前代

關

--	--	--	--	--	--	--	--

金谷焉知御史才
翠杓青尊捐楚館
綉衣驄馬上霜臺
須知鸞鳳冲霄漢
不異忠良位鼎台

離離禾黍接顏垣
驚見咸陽古道存
秦殿獨憐三月火
漢陵誰弔九原魂
隴山北起秋雲合
涇水西來夜雨渾

金史卷之四
如此興懷非一事不如投筆且開樽

筠谷詩集